


**Colegio EPI ta
orguyoso di
por manda mas
cu 30 estudiante
den exterior**

Aruba lo haya un Urban Pocket Park na crusada Adriaan Laclé y L.G.Smith Boulevard



ORANJESTAD (AAN): Den marco di e crusada nacional pa revitalisacion y embeysimento di nos isla, Gobierno a cuminsa cu trabou pa crea un Urban Pocket Park na crusada di Adriaan Laclé Boulevard y L.G. Smith Boulevard, un proyecto cu ta combina seguridad den trafico, reforestacion, berde urbano y bienestar comunitario.

Gobierno di Aruba a tene encuentro virtual cu Staatssecretaris Eric van der Burg



ORANJESTAD (AAN): Riba Diamars a a tuma luga un video call, caminda tabatin introduccion 'kennismaking' entre Staatssecretaris Eric van der Burg (VVD) y e tres Minister-Presidentnan di Aruba, Curaçao y Sint Maarten.

Staatssecretaris Eric van der Burg ta un politico Hulandes cu a ocupa diferente posicion den gobierno nacional y municipal. El a sirbi anteriormente como Staatssecretaris den Reino Hulandes. For di 2022 te 2024 el a ocupa e posicion di Staatssecretaris di Husticia y Seguridad, responsabel pa Asilo y Migracion. Durante e encuentro virtual, e lidernan a intercambia punto di bista riba colaboracion den marco di Reino, reto comun y oportunidad pa fortalece cooperacion entre e paisnan.

E tono di e reunion tabata constructivo y enfoca riba dialogo continuo y respet mutuo entre e partnernan di Reino. Intencion ta pa pronto tin un encuentro personalmente y asina continua riba trabaonan en conhuntito.

Despues di mas cu 10 aña

Gobierno a anuncia modernisacion di beach policy

Dialogo Social a cuminsa cu yamada pa proceso structura y colaboracion amplio



ORANJESTAD (AAN): E siman aki den Renaissance Convention Center a tuma luga un encuentro importante den marco di Dialogo Social entre Gobierno, gremio, sindicato y otro stakeholders relevante den nos comunidad. E reunion a wordo habri door di Prome Minister Mike Eman, hunto cu su coleganan Minister di gabinete, Minister Mervin Wyatt-Ras, Minister Geoffrey Wever y Minister Wendrick Cicilia. Den su palabra di apertura, Premier Eman a enfatisa cu e intencion principal ta habri un proceso structura di dialogo, basa riba respet mutuo y participacion amplio.

Dialogo Social a cuminza cu yamada pa proceso structura y colaboracion amplio

ORANJESTAD (AAN):

E siman aki den Renaissance Convention Center a tuma luga un encuentro importante den marco di Dialogo Social entre Gobierno, gremio, sindicato y otro stakeholders relevante den nos comunidad. E reunion a wordo habri door di Prome Minister Mike Eman, hunto cu su colega Minister di gabinete, Minister Mervin Wyatt-Ras, Minister Geoffrey Wever y Minister Wendrick Cicilia.

Den su palabra di apertura, Premier Eman a enfatisa cu e intencion principal ta habri un proceso structura di dialogo, basa riba respet mutuo y participacion amplio. A remarca cu Aruba ta enfrente diferente reto structural, incluyendo pensioen, salario minimo, cuido a largo plaso y sostenibilidad financiero. Durante e reunion a trata seis punto riba agenda: (*) Cambio di e Landsverordening Algemeen Pensioen (LAP). (*) Aviso di SER riba ahuste gradual di salario minimo te na nivel di bestaansminimum. (*)

Propuesta pa reglamentacion di Maatschappelijk Verlof. (*) Iniciativa pa regulacion di Langdurige Zorg. (*) Concept Landsverordening pa apoyo na muchanan cu necesidad di cuido intensivo. (*) Inventarisacion di otro tema pa futuro Dialogonan Social. A base di feedback ricibi di diferente organizacion, Prome Minister Mike Eman a propone pa, prome defini claramente e pros-



eso, formato y prioridadnan di e Dialogo Social. P'esey el a sugeri forma un grupo representativo compone di delegado di werkgevers, werknemers y otro stakeholder-

nan, hunto cu Gobierno, cu lo traha un propuesta concreto riba e agenda y metodologia pa e siguiente fase.

Premier Eman a indica cu e dialogo pa awe



ta keda den espera di continuacion a base di feedback cu e comision representativo, cu lo presenta cu sugerencianan riba e temanan di prioridad. E reunion a marca

un paso importante den fortalecimiento di dialogo structural entre Gobierno y sector laboral, cu meta di construi consenso y sostenibilidad social pa Aruba.

Abogadonan ta muestra den Corte

No por castiga e dos Polisnan pasobra nan a actua corecto

ORANJESTAD (AAN): Abogadonan mr. Illes y mr. Carlo a defende e dos agentenan policial den e Caso Grandi di e dianan aki den Corte.

Abogado mr. Illes a bisa cu den e caso aki no conoce ganado sino perdedor den diferente grado. El a expresa palabranan di condolencia na mayornan y famia di e victima pa e lamentable sucedido. El a bisa cu tanto M.V. como R.R.G.D. ta bisa cu no tabata nan intension.


E victima por a evita tur cos: Segun mr. Illes, tur medaya tin dos banda. Polis ta esnan yama ora tin problema. Comunidad ta spera cu Polis ta percura pa orden. Pero loke no mester lubida ta, cu Polis tambe ta hende. Den e cayente di momento, nan tin algun seconde pa tuma decision y actua. Tin biaha e accion por ta no adecuado. E abogado ta haya cu mester respecta trabao di Polis.

El a muestra cu henter e anochi di 9 Februari 2025, M.V. y R.R.G.D. a haci cantidad di controlnan y a mantene orden. E abogado ta haya cu e persecucion e anochi ey, e victima por a evita cu tur cos ta escala. E victima a scoge pa huy. Door di e persecucion, e victima a crea un sospechoso contra su mes. El a muestra cu Polis a cende luznan, grita door microphone: "para, para", pero no a duna resultado. Segun e abogado, e actitud di e victima a pone e agentenan crea sospecho. Pa minuutnan largo e persecucion a tuma lugar te den

Madiki Kavel. Na opinion di mr. Illes, e agente M.V. a considera un menaza contra su bida ora e auto tabata subi velocidad riba dje y tairanan tabata yora. Hues a reacciona cu no tabatin velocidad halto. E abogado a bisa cu e motor tabata zona duro.

Agentenan a traha double-shift: Abogado mr. Carlo a bisa cu e agentenan a traha double-shift y esaki a afecta nan. E dia ey a atende un caso di joyriding di un mucha di 14 aña cu a coy auto di su mayornan. Tabatin otro caso cu a para otro auto. Tabatin caso na Kalibra Lounge caminda hasta tabatin tiramento. Tabatin problema grandi na hospital entre otro esnan di Kalibra Lounge. Promer cu a bay Lekker Bar & Restaurant, a topa cu e auto Toyota sin luznan patras cendi. A usa luz y microphone pa bisa e chauffeur di e auto pa para pero e victima no a haci caso.

Comportacion sospechoso: E abogado a bisa Hues cu e intension di M.V. y R.R.G.D. tabata pa para chauffeur y atende riba su comportacion manera a haci na diferente caminda cu chauffeurnan. Door cu Ayden a core bay, ta obligacion di Polis pa persigui y para e auto y detene e chauffeur. E Polisnan tabata sospecha cu Ayden lo tabata bou influencia y por a pone trafico den peligro. Nan kier a investiga kico tabata e motibo cu Ayden a core bay apesar di indicacion di Polis pa para. Nan tabata informa Central di Polis di tur cos y hasta a pidi refuerzo. mr. Carlo a



remarca cu no ta berdad cu e Polisnan a haya orden pa stop e persecucion. El a bisa cu tin 7 agente di Polis cu a bisa cu Central a bisa pa para e persecucion si tin trafico den peligro. Na opinion di mr. Carlo, door di no a sigui indicacion di Polis pa para, e victima a escala e situacion.

E abogado a cuestiona raport di LandsRecherche cu no ta duna e ora exacto cu e promer y di dos tiro a cay. E abogado ta haya cu e luz di e patruya tabata duna indicacion cu lo a tira cual no ta asina. E ta haya cu e raport cu Fiscal a presenta di LandsRecherche, ta cuestiona mas e momento real di tiramento.

Polisnan a tira pa scapa di e auto: El a bisa cu loke nan por wak ta e tiramento di R.R.G.D. E abogado a bisa cu e momento cu e Toyota a bay riba M.V., e situacion a cambia di para pa detencion,

den defensa contra e auto.

Segun abogado, M.V. no a sali for di patruya cu pistol den man y dirigi arma riba e auto. Ta ora M.V. a mira e Toyota ta bin riba dje, el a saca pistol y tira. E momento ey R.G.D. a saca arma pa asisti M.V. Ora R.R.G.D. a tende un tiro, el a los tironan riba e auto pa scapa M.V. Nan intension tabata pa para e Toyota y no tira mata Ayden.

Segun abogado mr. Carlo, no tabatin otro forma pa para e persecucion aki. Door cu a manda auto riba Polis, esaki ta wordo considera un arma mortal. E abogado ta haya cu e Polisnan a actua pa scapa M.V. di e auto cu tabata bay riba dje. El a muestra riba un sentencia di un caso na Den Haag caminda Corte a haya cu Polis por a uza arma pa para auto. Segun mr. Carlo, M.V. no tabatin ningun oportunidad pa hala of bay bek

den patruya. Den fraccion di seconde e auto tabata su dilanti. E abogado a muestra riba sentencia di Corte di Den Haag cu ta muestra cu Polis no mester huy di un menaza sino enfrenta e menaza. E abogado ta haya cu M.V. no tabatin otro manera cu tira riba e auto. R.R.G.D. a actua pa scapa M.V. **No por castiga e polisnan:** E abogado ta haya cu e Polisnan tabata autoriza pa a actua asina. E ta haya cu mester keda sin persigui e agentenan. Pa loke ta e demanda di daño, e abogado ta haya cu mester declara esaki no admisibel. Esaki, door cu no a argumenta nan suficiente. E ta mucho complica pa trata den un caso penal. Hues a bisa cu dia 16 Maart 2026, e lo bay sera tratamiento di e caso y e dia ey e lo bisa ki dia lo por spera sentencia. E Hues a bisa cu lo bay tin sentencia 2 April 2026.

Hopi cas na Bakval y Saliña Cerca ta awe 7 ora sin coriente

ORANJESTAD (AAN): Pa siete ora largo, hopi cas den area di Bakval y tambe como un docena di cas na Saliña Cerca lo keda sin coriente. Esaki ta debi cu e compania NV Elmar lo ta ehecutando trabao di mantenimiento den e Transformator Huisnan cu tin na Bakval. Pa e motibo ey, pa sigui garantiza suministro di coriente, e compania NV Elmar lo ehecuta trabao di mantenimiento den e area aki. Durante e trabao, ta necesario pa desconecta



temporalmente coriente pa garantiza seguridad tanto pa e tecniconan di NV Elmar, como tambe esnan

den e area. E trabao lo ta awe Diaranson for di 8:30 am te cu 3:30 pm.

Casnan cu lo keda sin

coriente ta Bakval 6-D, 6-E, 7-D, 7-E, 9-E, 10, 10-B, 10-D, 11, 12, 12-B, 12-C, 12-D, 12-E, 12-F,

13, 14, 14-A, 14-B, 15, 15-A, 15-B, 15-C, 15-D, 15-E, 15-F, 15-G, 15-H, 15-I, 15-J, y 15-K.

Tambe tin cas na Bakval 16, 16-A, 16-C, 16-D, 16-E, 16-F, 16-G, 16-H, 16-I, 16-J, 16-K, 16-L, 16-M, 17, 17-A, 17-B, 17-C, 17-D, 17-E, 17-F, 17-G, 17-H, 18-A, 35, 35-A, 35-B, y 35-D.

Coriente lo wordo kita na Saliña Cerca 19-B, 25-E, 25-L, 27-C, 27-D, 27-F, 27-G, 31-A, 31-B, 31-C, 33, 35-E, y 37.



Cuminsando cu 4 florin, bo por gana e suma grandi aki

Afl. **200.000,-**

Obtenibel na cualkier rebendedo di Lotto.

sorteo ta awe nochi 7:45 pm



HUNGA AWO



Abogado di mayornan di victima Ayden Lanoy a critica den Corte

Hues mester condena e dos Polisnan y no carga nan den handschoen manera Fiscal a haci

• *Polisnan a actua manera cowboy*

ORANJESTAD (AAN): Abogado di e mayornan di e victima Ayden Lanoy, mr. Hatzmann, a critica fuerte Fiscal di Ministerio Publico cu a existi 12 luna di prison condicional pa e dos Polisnan. E abogado a pidi Hues pa condena e dos Polisnan pa a mata Ayden Lanoy den un forma cruel.

Dialuna di mainta te den oranan di merdia, den sala di Corte di Husticia a trata e lamentable caso di e dos Polisnan M.V. y R.R.G.D. cu a tira mata Ayden Lanoy.

Den e articulo aki, DIARIO ta concentra ariba e criticacion fuerte di mr. Hatzmann y den un otro articulo ta publica e defensa di abogadonan di e dos Polisnan, mr. Carlo

y mr. Illes.

Polisnan a tira ayden pa e no scapa: Abogado mr. Hatzman a bisa Hues cu e exigencia di Fiscal ta un diferencia grandi compara cu loke e famia di e victima tabata spera.

E abogado a sigui bisa cu Fiscal ta cuestiona e forma di actua di e dos Polisnan mientras cu famia ta haya cu ta intencionalmente e Polisnan a actua asina. Na opinion di mr. Hatzmann, e Polisnan a actua manera cowboy door di a tira pa Ayden no scapa.

Famia a spanta di exigencia di Fiscal: E abogado a sigui bisa cu e famia a keda spanta di e exigencia di Fiscal. E famia a spera un castigo abao, pero no asina!



mr. Hatzmann a remarca e caso aki no ta na Hulanda sino na Aruba. El a cuestiona cu na Hulanda ta duna castigonan abao na Polis. E abogado a bisa cu na Aruba e pensamiento ta completamente diferente compara cu Hulanda.

Mester condena brutalidad di polis: E abogado a accentua cu aki ta trata di brutalidad di Polis. Mr. Hatzman a bisa cu den bista di e mayornan, e persecucion tabata sin base y exagera. E Polisnan nan Ego tabata domina. E Polisnan a sali for di e patruya cu pistol cla pa tira. Nan no tabata kier pa e Toyota scapa. Nan no a tene cuenta cu lo por a herida hende.

Apesar cu e Toyota a kita pa pasa na banda di e patruya, M.V. y R.R.G.D. a tira 20 bala riba e auto. R.G.D. a keda tira te cu e no tabatin mas municion. E Toyota a keda core poco poco y bay dal contra un cura y Ayden a fayece.

Tin testigo a bisa cu el a mira e auto tabata bay patras y a scucha un tiro.

No por carga e polisnan den handschoen: E abogado a muestra cu un agente T. a bisa cu Polis mester ta hopi

cauteloso pa tira riba auto. mr. Hatzmann a bisa Hues cu e exigencia di Fiscal a shock henter comunidad.

E abogado ta haya cu Hues no mester proteha e Polisnan sino haci husticia. E abogado a remarca cu si e Polisnan mester bay prison, nan ta bay prison y no carga nan

den handschoen manera Fiscal ta haci.

E abogado a muestra con Hues na Inglatera a condena un agente di Polis cu a maltrata un hende cu despues a muri na 8 aña di prison. E abogado ta spera cu Hues lo haci husticia.

Eric van der Burg a huramenta como Secretario di Estado di Asuntonan Interno y Relacionnan di Reino

ORANJESTAD (AAN): Eric van der Burg (VVD), oficialmente a huramentata dialuna 23 di februari como secretario di estado di Ministerio di Asuntonan Interno y Relacionnan di Reino. Cu su nombramento, e ta asumi un funcion di hopi importancia pa e relacionnan dentro di Reino Hulandes.

Den su cargo nobo, e lo ta responsabel, entre otro, pa Relacionnan di Reino, loke ta implica coordinacion y cooperacion entre Hulanda y e paisnan di Reino den Caribe: Aruba, Curaçao y Sint Maarten y tambe e islanan BES, Bonaire, Sint Eustasius y Saba.

E rol di secretario di es-



tado ta esencial pa garantiza cooperacion y facilita decisionnan cu ta wordo tuma na Hulanda. Su liderazgo lo ta decisivo pa fortalece e lasonan mutuo y enfrenta reto comun den Reino cu determinacion y responsabilidad.

A SER PERDI



Ayera mainta 2 pug chiquito a sali for di cura y te cu awo nan ta perdi nan number tara barbie y chiquita

Nan ta perdi den vecindario di piedra plat/Jon Tai Hardware

Number di contacto ta 5926929

Despues di mas cu 10 aña

Gobierno a anuncia modernisacion di beach policy



ORANJESTAD (AAN): Minister di Turismo, Transporte y Labor y Minister di Infraestructura a anuncia oficialmente inicio di un revision integral y modernisacion di e beach policy di Aruba, marcando un paso decisivo y tan spera padilanti den e maneho responsabel di e isla su activo natural mas valioso: su beachnan publico.

E beach policy actual, cono-

ci formalmente como RRIS (Richtlijn Ruimtelijke Inrichting Stranden), ta na vigor pa mas cu diez aña. E guianan aki ta regula e uzo, zonificacion y desaroyo di beachnan publico. Sinembargo, mirando e crecimiento rapido di turismo, e demandanan espacial cu ta evoluciona y realidadnan ambiental y social nobo, e beach policy ta rekeri un actualisacion urgente.

Paso revolucionario: Pa prome biaha den mas di un decada, Gobierno di Aruba ta tuma accion concreto pa revisa y modernisa e RRIS. E iniciativa aki ta representa un reforma structural den con ta goberna, maneha y proteha nos beachnan.

E proceso di modernisacion lo: (*) Revisa y actualisa e guianan espacial di RRIS. (*) Atende cu e retonan actual



relaciona cu uzo y saturacion di beach. (*) Introduci regulacionnan mas estricto y cla. (*)

Agrega un beach nobo bou di e beach policy. (*) Percura pa un miho reparticion y balans den henter e beachnan di Aruba.

E proceso lo conta cu sosten di Directie Infrastructuur en Planning (DIP) respalda pa Ministerio di Turismo y Ministerio di Infraestructura, locual ta demostra un cooperacion interministerial solido.

Tur beach ta publico: Minister Wendrick Cicilia a enfatisa un principio fundamental cu a guia e anuncio di e mainta: "Ningun beach na Aruba nunca lo ta propiedad di un hotel". Tur beach ta keda publico y accesibel pa e Rubiano como pa e bishitante. E beach policy modernisa lo reenforza e derecho aki, garantizando e acceso husto y proteccion di e espacio publico.

Sosten di sector turistico: Aruba Tourism Authority, pa medio di Minister di Turismo, a contribui cu financiamiento parcial pa sostene e proceso di modernisacion.

Esaki ta enfatisa e responsabilidad comparti entre gobierno y stakeholdernan di turismo pa maneha e beachnan di Aruba di un manera sostenibel y responsabel.

Dialogo cu stakeholder:

Den e siguiente simannan, Gobierno lo inicia un dialogo structura cu tur stakeholder relevante, incluyendo hoteleronan, operadonan di tour, gruponan di medio ambiente, representantenan di comunidad y demas partnernan.

E meta ta pa sigura cu beach policy modernisa ta refleha un participacion amplio mientras ta salvaguardia e interes publico.

Gobernacion responsabel:

E anuncio aki ta resalta cu e Gobierno actual ta tumando accion decisivo unda, pa añanan largo, no a haci ningun reforma structural. Despues di mas cu dies aña sin revision, e modernisacion di RRIS ta demostra liderazgo responsabel y un compromiso cla pa goberna crecimiento di turismo den un destinacion consolidada.

Door di modernisa y revisa e beach policy, Aruba ta tuma un paso significativo den direccion di un planificacion espacial sostenibel, reparticion husto di beach y proteccion a largo plaso di un di su activonan nacional mas balora.

"Beach ta pa tur hende, awe y pa e generacionnan binidero", asina Minister Wendrick Cicilia a finalisa bisando.



MAS ORA DEDICANA SIRBI BO MIHO

Nos ta hopi contento di por ofrece nos clientela mas acceso na asistencia bancario.

Diasabra awo nos lo habri nos NOORD BRANCH pa asina sirbi bo miho.

NOORD BRANCH

Diasabra 28 di februari, 2026 | 9:00 AM te cu 1:00 PM

Exclusivamente pa servicionan di prestamo y mantencion di cuenta, tarheta, PIN, cambia adres etc.

Sea ta pa conseho financiero personal of pa haci un pregunta, nos expertonan lo t'ey pa atende'bo.

No lo tin servicionan di cahero.

Ban topa pa nos combersa.

Si acaso bo kier haci un cita, por fabor tuma contacto cu nos.

TA SOLICITA PA TRABOU

Part-Time Cashier

Aplica Personalmente Na
Seroe Blanco
Service Station
DeLasallestraat 89

Minister Mervin Wyatt-Ras:

Gobierno anterior a hasta elimina e posibilidad di curatela pa adictonan ambulante

ORANJESTAD (AAN) Minister di Salud y Asuntonan Social, señora Mervin Wyatt-Ras, den entrevista cu Matutino DIARIO, a reitera cu e actual gabinete tin solamente un par di luna den gobernacion, mientras cu adictonan ambulante ta un problema di hopi aña caba, y cu a wordo descuida pa siete aña largo sin busca solucion.

E Gobernante a indica cu e gobierno anterior hasta a elimina e posibilidad cu e adictonan aki por bay den curatela pa drenta un institucion. Pues, esaki ta un posibilidad cu a wordo kita, loke ta haci mas dificil pa e gobierno actual busca solucion, y hasta e mesun politiconan ey ta para un banda grita cu no tin solucion.



E dignatario a bisa cu esaki ta un problema cu a

crece durante añanan. Gobierno a lanta un Comision hunto cu Ministerio di Husticia, pa por atende cu e asunto aki y crea formanan pa atende cu adultonan. “Nos tin referencianan cu nos ta haci na Curacao y tambe a lanta un taskforce di gobierno unda cu tin diferente entidad y tambe comerciantenan den dje, p’asina atende diferente

problemanan den centro di ciudad. Nos ta trahando hunto riba dje, den un solucion. Solucion no ta bin mesora, pasobra si tin un situacion cu a descuida pa siete aña largo, sin pidi e ayudo aki, na e momento aki nos tin cu bin cu ne di nobo, kiermen, esey ta bay tuma su debido tempo”, Minister Wyatt-Ras a subraya.

Polis a habri tur caminda pa Ambulance

Manehador di ATV transporta den estado critico pa Hospital



ORANJESTAD (AAN): Tabata Dialuna atardi alrededor di 5:15 pm, cu a registra un accidente serio cu vehiculo ATV (‘quadracer’) riba e T-weg banda di Colegio Pastoor Kranwinkel na Paradera. Testigonan cu a bin topa cu e

sucedido, mesora a bati alarma y informa autoridad cu ta trata aki di algo grave.

Den un rato di ora, diferente unidad di Polis y tambe Ambulance a yega na e lugar di accident.

E prome unidad di Polis

cu a yega, a bin topa cu un persona masculino abao riba caminda, cu su cabez cerca di e acera y e no tabata reacciona. Mas panort a mira su vehiculo ATV benta, casi riba e caminda grandi di Paradera pa Babijn.

Polis a nota cu riba e caminda tin un rastro basta largo y segun polis tin un punto unda e lo cay cu e Quadracer. E teoria ta cu kizas velocidad poco halto a pone pasa over di e Verkeersplateau riba e caminda dilanti Misa bay pa e scol, y a bay na su man robes.

Eynan a ATV a bay di banda lastrando, y sacando e manehador bent’e pariba di caminda.

Rapidamente Paramediconan a yega, y a lant’e di ey-bao, y transporte cu urgencia pa Hospital. Esey ta debi cu e horario di 5:00 pm pa 6:00 pm ta hopi druk tur caminda.

Mientras tanto, Polis di Trafico, y team forensico di BFTO, y demas instancianan manera Bureau Slachtofferhulp tur a wordo poni na altura mirando e seriedad di e accidente.



Roos
Gerechtsdeurwaarder
& Incasso

AANKONDIGING: Openbare Verkoop Findishi

Op **vrijdag, 6 maart 2026 des voormiddags om 11:00 uur**, zal door ondergetekende, deurwaarder voor burgerlijke zaken bij het Hof van Justitie van Aruba, Curaçao, Sint-Maarten en van Bonaire, Sint-Eustatius en Saba en bij het Gerecht in Eerste Aanleg van Aruba, worden overgegaan tot de openbare executoriale verkoop van:

De volgende auto's:

- 1) Horizon NETA, bouwjaar 2024, kleur blauw
- 2) MAZDA, CX-30, Bouwjaar: 2024, Kleur: Grijs;

-Voormelde auto's zijn te bezichtigen (1) een uur voor de verkoop op het adres Don Elias Mansur Ballpark en zal aldaar worden verkocht bij opbod en tegen gerede betaling. As is Where is.

De deurwaarder vnd.,
Josefin P. Locadia.
Tel: 588-1700



Diahuebs hopi cas na Calbas lo ta 7 ora sin coriente

ORANJESTAD (AAN): E tecnicoan di NV Elmar lo bay ta haciendo hopi trabao na diferente palo di luz, y riba kabelnan di voltahe halto cu ta pasa door di area di Calbas.

Debi na esey, riba Diahuebs 26 di Februari 2026 lo no tin coriente pa 7 ora largo.

Esaki ta bin debi cu NV Elmar lo bay ta haciendo trabao di mantenimiento riba liñanan di distribucion na Calbas. Ademá pa sigui garantisa suministro di electricidad, Elmar lo ehecuta trabao di mantenimiento den e area di Calbas.

Durante e trabou, ta necesario pa desconecta temporalmente coriente pa garantisa seguridad tanto pa tecnicoan di NV Elmar, como esnan den e area.

E casnan cu riba Diahuebs



lo ta sin coriente for di 8:30 am te cu 3:30 pm ta Calbas 13, 13-A, 13-B, 13-C, 17, 18, 18-A, 19, 19-A, 19-B, 19-D, 20, 20-A, 21, 21-A, 21-B, 22, 22-A, 22-B, 22-H, 22-K, 22-L, 22-M, 22-Q, 22-X, 23, 23-A, 23-B, 25, 25-A, 25-B, 26, 26-A, 27, 27-D, 28, 28-B, 29, 29-B, 29-D, 29-E, y 29-N.

Tambe tin adresnan Calbas 30, 31, 31-A, 31-B, 31-C, 31-E, 31-H, 31-J, 31-L, 32, 32-C, 33,

33-A, 33-B, 33-D, 33-E, 34, 35, 35-A, 35-C, 35-D, 35-G, 35-H, 36, 37, 37-B, 37-C, 37-D, 38, 39, 40, 41, 45, 45-A, 47, 47-A, 49, 51, 53, 55, 55-A, 57, 59, 63, 67, 67-A, 67-C, 69, 71, 81, 81-A, 81-B, 81-C, 81-H, 83, 83A, 83-B, 83-C, 85, 103, 105, 109-A, y 111.

Ademá lo afecta dos cas mas, esta Gabilan 19 y tambe Gabilan 33.

hudicial

Declaracion oficial di Ministerio Publico pa cu caso Polisnan den Corte

Skirbi pa: Ministerio Publico

Corte den Prome Instancia a trata e caso penal yama Caret. E caso aki, cu a atrae hopi atencion di publico, ta regarda e tiramento caminda A.C. Lanoy a perde su bida debi na un bala di polis. Ministerio Publico a hiba dos agente policial, R.R.G.D. y M.V., dilanti Hues y a acuzá nan di complicidad di homicidio. Segun e acuzacion, ambos a tira varios biaha den direccion di e auto di Lanoy riba 9 di Februari 2025 den oranan di madrugada.



Claro cu polis tambe mester duna cuenta den Corte ora nan wordo sospecha di a comete hechonan penal serio. Durante e caso, e punto principal di discusion tabata si e dos agente por wordo teni penalmente responsabel pa e fayecimento di Lanoy.

Ministerio Publico ta sali for di e punto di bista cu, aunke nan no tabatin mal intencion, e agentenan policial, door di tira varios biaha dirigi riba e auto di Lanoy, a concientemente tuma e riesgo cu e chofer hoben por wordo alcanza fatalmente pa bala. Ta pesey cu Ministerio Publico ta persigui e dos agentenan policial pa complicidad di homicidio. Ambos a declara cu nan mester a defende nan mes y cu nan tabata den un situacion menazante.

Pero Ministerio Publico a conclui, a base di e grabacionnan di video, cu no tabatin ningun condicion di defensa propio. Ademá e cantidad grandi di tiro no tabata den ningun relacion rasonabel cu e situacion e anochi ey.

Ministerio Publico a conclui awe cu por papia di complicidad di homicidio, y a pidi castigo igual contra e dos sospechonan. Contra tanto R.R.G.D. como contra M.V., a existi un castigo condicional di 12 luna, cu un periodo di prueba di dos aña, y 180 ora di trabao pa comunidad.

Pa yega na e exigencia di castigo, diferente circunstancia a wordo tuma na cuenta. Pa cuminsa, e sospechosonan a causa hopi tristesa na famia di Ayden Lanoy, kendenan mester sigui biba sin nan ser keri. E incidente tabatin un impacto grandi den comunidad di Aruba. E hecho cu polis a tira tanto biaha riba un auto y cu un persona a muri pa motibo di esaki, a crea un ola di indignacion. E violencia den un barío residencial a causa sentimentonan di inseguridad y intranquilidad cerca ciudadanonan.

Na mesun tempo, e hecho a hiba na un condena publico di e dos agentenan y nan famia. Nan a wordo poni riba portalnan di noticia y medionan social, a wordo lasta malamente, y a ricibi menazanan grave. A tuma na cuenta tambe cu esaki no ta un caso penal tipico, den cual un persona cu un arma ilegal ta tira riba un otro. Ta trata aki di agentenan policial, di kendenan ta wordo spera cu nan ta drenta den situacionnan peligroso. Polis ta esun cu ta dal un paso pa dilanti unda un ciudadano ta dal un paso patras. Ta pesey mes cu polis tin permiso pa tuma decisionnan dificil y pa uza violencia. Pero e uso di forza ta mara na reglanan stricto. Ora un agente policial, den e afan di e momento, tuma un decision robez, e agente ey por y mester wordo persigui penalmente. Esaki a wordo considera tambe den e determinacion di castigo.

Hues lo cera e caso dia 16 di maart venidero y lo probablemente dicta sentencia riba 2 di april.



"Giselle"
Department Store

NOORD 55 A • Tel: 5867104

Ladies & Children Wear • Lingerie • Toys • Household Articles

18 Maart

Dia di Himno y Bandera TA CERA

Giselle tin t-shirt cu 3 diferente diseño y di mucha y hende grandi.

Tin hopi paña sportief pa sali keiro e dia ey.

Bin wak nos blusanan cu nos a haya y tin bunita slacks pa fit cu nan.

PA PASCO GRANDI NOS TIN:

Varios sorto di webo di plastic den varios tamaño.

Macuto pa piki webo, tent, bunny ears, saco pa hinca mangel y varios articulo mas.

PA MUCHANAN BAI LAMA TIN:

Badpak, beachshort, rashguard pa contra solo, goggles, zwemvest, coi hunga riba beach, duikbril, varios style pool y serbete pa lama.

PA PRIMERA COMMUNION:

Tin bistirnan di size 8 te cu 16, wal, corona, hanschoen.

SET DI BACHI:

Di size 6 te cu 18 den diferente color e.o.: blanco, preto, khaki, royal, blauw scur, shinishi, ivory y mas color y den bon prijs.

PA HACI REGALO PA MUCHA NOS TIN VARIOS SPEL:

Mens erger je niet, ganzenbord, rummykub, towergame, domino, bingo, mastermind, cabuya pa bula, hoelahoep, jacks, set make-up y hopi mas.

Nos ta warda bo na Giselle pa duna bo e mesun bon servicio di semper.

Reaccion di AHATA na Gobierno:

‘Nos ta participa den dialogo cu tin proceso rasonabel y productivo’

ORANJESTAD (AAN): Asociacion di Hoteleronan, AHATA, a nota cu Minister President a publicamente bisa varios biaha cu AHATA of “hotelnan” no kier dialoga cu gobierno. Pa esey, Aruba Hotel and Trade Association (AHATA) a haya necesario pa aclarea e cantidad di conversacion y comunicacion cu a tuma lugar entre e asociacion y e Ministerio di Asuntonan General desde cu gobiernu nobo a sinta.

Esaki ta un lista cronologico:

(*) Durante prome siman di juni 2025, tur gerente di hotel a sinta un-pa-un cu Minister President y AHATA pa scucha su deseonan.

(*) Despues Minister President a invita e gerentenan hunto pa un dialogo (sin mucho aviso) y avisando cu e topico principal lo tabata e deseo pa un pausa den desaroyo di camber di hotel.

(*) AHATA, den 3 reunion tras di otro cu Minister President, a splica cu nos ta alinea riba e meta pero cu gerente di hotel no ta tuma decision riba desaroyo di camber. A duna conseho pa gobiernu sinta cu e inversionista cu a ricibi permiso legal di gobiernu pa traha camber. Ademá AHATA a enfatisa cu mester inclui desaroyo di condominio den e esfuerso pa pone un pause na desaroyo.

(*) Riba otro topiconan di dialogo, AHATA a informa cu un dialogo real y sincero ta basa riba participacion di diferente partido di comunidad den e decision riba: topico, lista di participante, fecha di reunion, y temporada di preparacion. AHATA ta alinea cu Minister President riba e metanan pa un mihor Aruba, pero ta desea un proceso democratico pa dialogo y kier evita un proceso unilateral.

(*) Na augustus 2025 AHATA a manda un propuesta pa e proceso di dialogo nacional, y a ricibi contesta cu e Ministerio ta di acuerdo cu e proceso recomienda.

(*) Asina mes a bolbe ricibi invitacion pa un dialogo cu a organiza unilateralmente di parti di ministerio, y AHATA a bolbe manda un carta na October 2025 pa ripiti e sugerencia pa un proceso pro-



ductivo y democratico.

(*) Pa sigura cu ta demonstra deseo pa dialoga productivamente, Hunta di AHATA a invita Minister President pa nan reunion di December 2025. Durante e reunion Minister President a confirma cu tabatin un acuerdo pa un proceso di planea hunto, y cu lo cuminsa e proceso ey.

Mientrastanto, AHATA, y mas gremio, a participa den un proceso separa di dialogo riba un topico specifico (ley di pensioen general) na augustus 2025. Siman pasa e

mesun grupo cu a participa den e dialogo a ricibi un invitacion di un dia pa otro pa un “Dialogo Social” cu 5 documento pa lesa y cu 5 topico riba agenda. Hunto cu varios otro gremio, nos a laga sa cu nos ta pidi tempo pa lesa e documentonan prome cu mester drenta un reunion. Ademá, nos conhuntamente a pidi pa participa den determina topiconan riba agenda si ta desea di organiza un “dialogo social”.

AHATA semper a keda consistente den su posicion di ta

dispuesto y honra pa dialoga y nos ta convenci cu nos peticion pa un proceso democratico y productivo ta rasonabel. Pa tin dialogo exitoso, mester tin un ambiente di confianza y respet mutuo.

Riba topico separa di Palapa, nos tin hopi tempo ta pidi pa reunion y ta puntra kico ta pasando cu e proceso pa yega na un Beach Policy nobo. Contesta nos ta haya di hopi tempo ta cu sector publico ta trahando riba dje, y despues nan lo sinta cu stakeholders. Nos ta respeta e proceso y ta respeta cu beach ta publico. AHATA a pidi un reunion cu e minister encarga como introduccion y pa conversa riba varios tema, incluyendo e pleitamento pa palapa cu ta tumando lugar entre bishitante. E intencion ta pa yuda cu solucion cu ta mantene e derecho di tur local riba beach publico y alavez ta evita pleitamento entre bishitantenan di cruiseship, vacation rental, y guest di hotel pa sombra. Nos meta comun

mester ta pa evita cu hende mester pleita pa tin proteccion di solo fuerte.

Cu tur e experiencianan aki, nos no ta compronde e acusacion di ta evita dialogo. Simplemente ta pidi pa papia cu representante corecto y pa tin un proceso corecto. Ta hopi lamentable ora politico y gobernante ta skohe di antagonisa comunidad contra e sector hotelero en bes di busca solucion pa yega na un turismo controla y paz riba nos isla.

AHATA a agrega cu desde comienzo di e gobiernu actual, nos a forma parti di varios reunion productivo cu diferente Ministerio, y nos ta aprecia e oportunidad cu cada Minister a ofrece pa conversa y yega na comprension mutuo pa sigura bienestar general di nos pais. Nos ta keda dispuesto pa participa den reunion y dialogo cu ta basa riba un proceso rasonabel y respetuoso, sin antagonismo.

Evelyn Wever-Croes:

‘Pleito entre AVP y Futuro ta laga Aruba sin bos na Hulanda’

ORANJESTAD (AAN): Lider di Fraccion di MEP, Evelyn Wever-Croes, ta hopi preocupa pasobra Aruba no tin un Minister Plenipotenciario (GevMin) na Hulanda. Mientras AVP y Futuro ta bringa cu otro pa poder, nos pais ta keda sin un persona cu mester defende nos den cura di Reino.

Un obligacion, no un opcion: Evelyn ta splica cu Statuut, e ley di mas halto di nos pais, ta obliga Gobierno pa tin un Minister na Hulanda. No ta un cos cu nan por dicidi si nan kier of no; nan mester tin e. Te hasta e hefe di Raad van State di Hulanda mes a bin Aruba y bisa Parlamento cu esaki ta hopi importante.

“Gobierno ta manda diferente minister tur luna



djis pa un reunion, pero esey no ta e trabao. Un GevMin mester t’ey tur dia pa lobby y vigila nos interesnan. Mandando un diferente persona cada bes, bo no ta cubri nada y bo ta laga Aruba debil,” Evelyn a duna di conoce.

Pleito den coalicion: E

motibo pakico no tin un GevMin ta e falta di union den e Gobierno aki. Na december, AVP a presenta un mocion contra su mesun partner, Futuro, pa purba forsa nan pa nombra un hende. E pleito aki tabata visibel den Parlamento: prome Futuro a vota con-

tra, y despues bou di presion nan a vota na favor.

“A pasa dos luna caba y nada no a cambia. Aki bo ta mira cu e ministernan ta mas ocupa cu nan pleitonan interno cu cu e bienestar di Aruba. Nan no por bini hunto pa dicidi riba un nomber, y e unico cu ta paga e prijs ta pueblo,” e lider di MEP a enfatisa.

Consecuencia pa Aruba: Pa Evelyn Wever-Croes, e situacion aki ta serio. “E friccion entre AVP y Futuro ta perhudica nos tur. Mientras nan ta bringa, nos interesnan na Hulanda ta keda na peliger. Mi ta spera cu Gobierno stop di hunga politica den cura y cuminsa goberna cu responsabilidad, nombrando un GevMin pronto prome cu e daño pa Aruba bira mas grandi.”

Aruba lo haya un 'Urban Pocket Park' na T-weg di Lacle Boulevard y Henny Eman Boulevard

ORANJESTAD (AAN): Den marco di e crusada nacional pa revitalisacion y embeyesimento di nos isla, Gobierno a cuminsa cu trabao pa crea un Urban Pocket Park na crusada di Adriaan Lacle Boulevard y I.G. Smith Boulevard, un proyecto cu ta combina seguridad den trafico, reforestacion, berde urbano y bienestar comunitario.

Segun beleidsadviseur pa Ministerio di Ministerio di Naturalesa y Medio Ambiente, Francielle Lacle, e area na e skina di Adriaan Lacle Boulevard tabata pa hopi tempo considera un punto di riesgo pa trafico. Enbes di trata e situacion aisladamente, Gobierno a scoge un enfoque integral cu ta crea multiple beneficio pa comunidad.

"Nos ta mehora e caminda pa haci esaki mas sigur, pero na mes momento nos ta crea un espacio berde unda pueblo y turista por sinta, descansa y disfruta," Lacle a splica.

E Urban Pocket Park ta forma parti di e programa nacional di reforestacion y berde urbano, cu meta



di planta mas mata nativo y naturalisa riba nos isla. E matanan lo crea sombra natural, algo cu lo bira cada bes mas importante den un Aruba cu ta enfrente temperatura mas halto.

Segun Lacle, e proyecto tin diferente beneficio: (*) Mehora seguridad den trafico. (*) Crea un espacio publico pa relajacion. (*) Contribui na salud mental y bienestar general. (*) Fortalece biodiversidad, incluyendo habitat pa parhanan y otro especie. (*) Apoya desaroyo urbano mas sostenible.

Dia 18 di maart lo tuma luga un evento special, unda diferente organizacion hubenil, incluyendo schoolnan cu ya tin educacion ambiental den nan



curriculum, lo participa den plantacion di mata. E evento lo tin caracter participativo, fomentando conciencia ambiental entre hobennan.

Durante su bishita oficial, Rey lo pasa tambe pa observa e plantacion, marcando e importancia simbolico di e proyecto den contexto di celebracion nacional.

Despues di e evento, trabao lo continua pa completa e park cu banki, borchu educacional y otro elementonan cu lo transforma e espacio den un area funcional y atractivo pa comunidad.



E iniciativa aki ta parte di un vision mas amplio pa revitalisa Oranjestad y eventualmente implementa proyecto similar den otro area, incluyendo San Nicolas.

Cu e Urban Pocket Park, Gobierno ta muestra cu reforestacion y berde urbano no ta solamente planta mata, ta crea comunidad, seguridad y futuro sostenible pa Aruba.

Raad van Advies a presenta su Relato Anual 2025 na Minister-Presidente

ORANJESTAD (AAN): Presidente di Raad van Advies, mr. David Kock, y e secretario, mr. Albert Braamskamp, a bishita Minister-Presidente mr. Mike Eman dia 18 di februari 2026, pa formalmente entrega e Relato Anual 2025.

E encuentro a transcurre den un ambiente ameno y constructivo, unda a reflexiona riba e trabaonan realiza durante e aña pasa y riba diferente desaroyo riba tereno di legislacion y asesoria constitucional.

Durante e conversacion, a keda resalta cu Raad van Advies ta celebrando su 40 aña di existencia e aña aki. E aniversario aki ta representa un logro historico y un momento significativo den e



consolidacion institucional di Aruba. Desde cu Aruba a bira un pais aparte, e Raad a cumpli un rol fundamental den e proceso legislativo.

For di e Relato Anual 2025 ta sali e Raad ta preocupa cu e reduccion di produccion legislativo compara cu añanan anterior. Minister-Presidente a splica cu, apesar di e reduccion den cantidad,

tin diferente iniciativa di ley actualmente den preparacion. Dos propuesta di ley ta cla pa evaluacion na Raad van Advies, mientras cu un cantidad di otro trayecto legislativo a out-source pa reenforza y acelera e capacidad di produccion legislativo.

Raad van Advies a enfatisa cu lo nan sigui monitorea e desaroyonan y a subraya e importancia di legislacion

di calidad, cu ta juridicamente solido y practicable. Como tarea principal, Raad van Advies ta duna asesoria independiente riba disenonnan di landsverordeningen,

landsbesluiten y otro regulacionnan. Cu su rol asesoria, e Raad ta contribui na garantisar calidad huridico, coherencia y ehecutabilidad di e legislacion di Aruba.

DANKI MAESTRO BENJAMIN

Mi number ta Swinda Paulina mi ta hopi gradesí cu **MAESTRO BENJAMIN** pasobra mi tabata tin mal sueltu ma bai casino i ma pèrde mi sen ma hunga numberi a sali robes tur

caminda di suerte tabata será pero danki na Dios **MAESTRO BENJAMIN** ma recuperó mi suerte bèk ma gana loteria na después ma bai casino i ma gana si bo caminda di suerte ta sera comunica cu **MAESTRO BENJAMIN**.



CEL/ 641-4186

Pader Jose Miguel Nava di IDKA:

Mayornanan mester corda: nos hubentud ta siña mas pa testimonio cu pa palabra!

Seccion Hubentud den Movecion a haya hopi interesante un tema cu Pader Jose Miguel Nava, di IDKA (Instituto Dioesano Kateketico Aruba) a trece dilanti den un entrevista cu Matutino DIARIO, cual ta regarda nos hubentud y nan mayornan.

“Ciertamente, nos muchanan ta e generacionnan nobo, nos futuro; sin nan, nos no tin futuro. Y aworaki, nos tin un reto grandi pasobra cada dia ta nace menos mucha na nos Isla”, Pader Nava a indica.

El a señala cu e futuro di e formacion di e muchanan no ta cay den scolnan so. “Specialmente, y na un manera principal y particular, ta den e mayornan. Si nos kier percura pa un futuro grandi pa nos muchanan, nan mayornan mester corda cu nan ta siña mas pa testimonio cu pa palabra”, e sacerdote a acentua.

Pader Nava tin algo cu semper e ta bisa e mayornan ora e ta papia cu nan. “Nos ta siña e mucha pa no gaña, no mag di gaña, pasobra si nan ta gaña e ta mlo. No, no mag di gaña! Pero ora ta yega un hende fastioso cas, bati porta, e mayornan ta yama e mucha y bise ‘bisa cu mi no tey’. E mucha a siña anto cu e por gaña.

Testimonio: Den relacion cu esaki, ta importante pa e mayornan por descubri tambe e realidad di nan Fe, y e beneficio cu nos FE tin den nos bida practico. Beneficianan cu hopi biaha nos ta lubida”, e sacerdote a señala.

El a agrega cu nos a pensa cu nos FE so ta ancla den nos caracter spiritual, ayariba, pero tin beneficianan.

“Incluso e mesun ciencia a demostra e beneficianan di e FE. E beneficio di kere den Dios, ta duna speranza. E beneficio di forma parti di e famia di Dios, di e solidaridad di e comunidad Cristian, cu nos ta yama pa construi, cu no ta construi caba, cu ta algo den construcion continuo cu ta sigui cada dia, ta algo importante pa nos sigui desaroya. Esey ta bon pa mayornan realiza, cu e temporada di Cuaresma ta un temporada pa



nan mes renoba”, Pader Nava a subraya, y a trece dilanti tambe cu nos ta keha hopi di nos muchanan: “Cu mi yiu no kier tende, cu mi yiu ta rebeldia...okay, ban probecha e temporada di Cuaresma, ban inclui momentonan di oracion aunke sea chikito, maske sea un Nos Tata, dilanti di Cruz, mirando y contemplando den e simbolo di e Cruz, e Sacrificio di Amor di Hesus y bisa: ‘bon mi kier biba e Cruz den mi cas’. Y con nos ta biba e Cruz den nos cas? Den servicio! Yudando un cu otro”.

Pader Nava a expresa cu si e muchanan ta wak nan mayornan ta siña stima otro, manera Hesus a stima nos, cu un AMOR asina grandi, nan ta bay sigui e mesun ehempel. “Pasobra esey ta inscribi den nos naturaleza, y un biaha mas ‘ciencia mes a demostra cu den nos cerebro nos tin algo cu ta manera un spiel, Ora nos ta wak algo nos ta imit’e. Si nos kier pa nos muchanan imita un bida bon, imita nos accionnan bon, pa busca un miho futuro, nos mester duna un bon testimonio”, Pader Jose Miguel Nava a relata.

Reflexion, Hesus Biña Nobo:

Dios ta wak e curazon, no e apariencia

1 Samuel 16:7 ta bisa: “pasobra Dios no ta mira manera hende ta mira, pasobra hende ta wak apariencia di pafo, ma SEÑOR ta wak curazon.

Nos ta biba den un mundo unda cu tur cos ta superficial.

Hendenan ta post riba social media y hasta nan ta wordo admira pa cantidad grandi di hende, y hopi biaha loke nan ta mostra no ta real.

Hende ta purba di sigui “trends” pa gana popularidad. E realidad ta cu awendia mayoria di hende ta wordo guia pa apariencia y no pa berdad.

Pero e palabra ta bisa cu Dios si ta wak e curazon.

P’esey, no gasta bo bida bibando pa apariencia. Pero biba un bida realmente entrega na Hesus.

Esey lo ta realmente locual cu lo yena bo curazon y duna sentido na bo bida.

Dios no kier pa nos biba un bida pa apariencia, un bida bashi y sin sentido. Pero un bida guia pa Su proposito y Su boluntad.

Bo ta cla pa entrega bo curazon y biba un bida real cu Dios?

-MVMNTYOUTHMINISTRY



Colegio EPI ta orguyoso di por manda mas cu 30 estudiante den exterior

ORANJESTAD (AAN): A bin sali na cla, cu un di e deseonan di Colegio EPI na Aruba a bira realidad di por manda studiantenan den exterior pa haci nan pasantia final. Esaki a bira posibel danki na diferente colaboracion cu ta brinda e oportunidad aki.

Colegio EPI ta gradici SEA+ cu a brinda beca pa e studiantenan bay den reino hulandes. Tin un estudiante kende a bay Corsou, y otro cu a bay Hulanda. Tambe nan ta gradici e programa di Erasmus+ cu danki na EPI su acreditacion na 2025 a brinda e studiantenan oportunidad pa bay Belgica y Irlanda. Nan tin studiantenan cu ta bini di diferente unidad cu a bay practica y engrandece nan experticio.

Tambe Colegio EPI su colaboracion cu partner Iberostar Hotel a bira mas fuerte despues di tanto aña trahando hunto. Danki na nan vision di engrandece y contribui na conocimiento y experticio di nos hoben, nos por bisa cu nos tin tres aña ta manda studiantenan na e.o. resortnan di



Iberostar na Mexico y Iberostar na Jamaica. Y e biaha aki tambe esaki a logra.

EPI ta aprecia e colaboracion aki cu Iberostar Hotel cu ta brinda esnan den sector economia, ingenieria, hospitalidad y horeca.

Nan ta gradici e team di international affairs di Colegio EPI, docente, BPV team

cu lo guia e parti di pasantia, managers y directie. Tambe e partners na Belgica y Irlanda cu a brinda ayudo y semper tabata cla pa brinda un man pa nos hoben ta sigur.

Colegio EPI ta desea studiantenan exito cu nan pasantia y algun exito cu e clima friu.

Evelyn Wever-Croes y MEP ta felicita Prome Minister nobo di Hulanda Rob Jetten



ORANJESTAD (AAN): Lider di fraccion di MEP Evelyn Wever-Croes a felicita prome minister nobo di Hulanda Rob Jetten di partido D'66, cu a huramenta dialuna mainta.

“Mi a conoc’e como un colega minister, un politico hoben, dinamico y ambicioso, cu un gran curason pa pueblo di Hulanda. Un hende cu sa scucha, conecta cu otro y no ta evadi responsabilidad. Un persona cu interes genuino den e bienestar di e demas paisnan di Reino”, segun Evelyn Wever-Croes.

Rob Jetten tabata na Aruba na 2023 pa e prome conferencia di energia y clima di Caribe, cu a wordo organiza pa Rob Jetten y Evelyn Wever-Croes. Durante e periodo ey, el’a duna su compromiso na sigui yuda Aruba transi-



cion na energia mas limpi, y a compromete cu Aruba lo haya fondonan pa esaki. Recientemente e prome minister anterior di Hulanda, a anuncia cu e fondonan aki ta inclui den e presupuesto di Hulanda pa 2026.

“Awor e ta asumi liderazgo di Hulanda. Esaki no ta solamente un gran honor, sino tambe un responsabilidad especialmente den un tempo caminda confianza, estabilidad

y vision ta mas importante cu nunca. Mi a desea Prome Minister Jetten sabiduria den su decisionnan, fortaleza den momentonan dificil y, mas cu tur cos, e balentia pa pone interes general semper na prome lugar. Cu su liderazgo por ta guia pa integridad y dedicacion sincero na cada habitante di Hulanda y di Reino Hulandes”, Evelyn Wever-Croes a finalisa bisando.

Minister Dowers a ricibi presentacion di concepto di structura nobo pa Ministerio di Husticia

ORANJESTAD (AAN): Diamars mainta, Minister Dowers a ricibi un presentacion duna pa DRH, den cual a presenta e structura nobo (Blueprint) pa Ministerio di Husticia. E presentacion aki a brinda un bista amplio di con e diferente instancianan cu ta resorta bao di Ministerio di Husticia ta ubica y con nan ta relaciona cu otro den e structura nobo.

E concepto di Blueprint nobo ta inclui instancianan manera Bezwaarcommissie LAR, Directie Wetgeving en Juridische Zaken, Directie Justitie, Veiligheid en Migratie, Ministerio Publico/Procureur-Generaal y Sui Generis Kansspelautoriteit. Den e structura nobo aki ta defini con diferente departamento/entidad operativo ta structura. Entre nan ta DIMAS, Korps Politie Aruba (KPA), Bureau Integriteit Aruba (BIA), Landsrecherche y varios otro departamento den Husticia. Cada un di e entidadnan aki

tin nan posicion defini den e structura general, cu un linea di responsabilidad, tarea y supervision cla.

Pa Minister Dowers, e presentacion aki ta un paso importante den fortalecimiento di gobernacion y claridad institucional. Un structura cla y moderno ta esencial pa garantisar eficiencia, transparencia y responsabilidad den e maneho di Husticia.

Un reorganizacion structural mester contribui na mas colaboracion entre instancianan, decisionnan mas rapido y un servicio mas efectivo pa comunidad. E proceso aki ta parti di un vision mas amplio pa modernisa y fortifica e “domein” di Husticia.

Un Ministerio di Husticia cu tin su structura cla, responsabilidad defini y coordinacion efectivo ta fundamental pa mantene estabilidad, respet pa ley y confiansa den nos estado di derecho y servicio optimal na comunidad.



Orrie a gana 6 mil Florin cu wega di Instacash

ORANJESTAD (AAN): Recientemente Orrie a bay compra su wega di Instacash. E biah a aki el a escoge pa hunga e wega di ‘Bingo’.

E mashin di e rebendedor mesora a imprimi e carhi, y el a bay check. Aki pa su suerte el a gana e premio di mas grandi, esta 6.000 Florin.

Riba Dialuna el a acudi na oficina di Lotto pa reclama su premio. Aki nan a scan su ticket, y a confirma cu Orrie a gana e placa.

E ticket ganador mes a wordo bendi na Mama Trida Lottery.



A hala atencion di St. Maarten

Vision di Mike Eman cu SVT na Aruba awor ta inspira otro pais den Reino



ORANJESTAD (AAN): E programa Sociale Vormingstraject (SVT), introduci na Aruba na 2010 como un vision di Prome Minister Mike Eman, ta sigui demostra su balor como un instrumento eficiente pa desaroyo di hubentud. E programa ta enfoca riba disciplina, formacion di caracter, guia personal y preparacion pa mercado laboral, brindando hobennan cu ta den dificultad un segunda oportunidad pa construi un futuro positivo.

E impacto di SVT na Aruba awor ta sirbi como ehempel pa otro pais den Reino. Parlamentario di St. Maarten, Sjamira Roseburg, a bishita Aruba recientemente pa informa su mes tocante con e programa ta funciona y con su efecto positivo ta riba desaroyo di hubentud y adultonan hoben. Durante su bishita, el a sostene reunionnan cu personal militar directamente envolvi den e ehecucion di SVT.

Roseburg a indica cu St. Maarten tin un falta di programan structura cu ta combina guia, disciplina y mentor pa hobennan. Segun Roseburg,

un modelo adapta di SVT por pone mas enfoke riba prevencion, specialmente pa hobennan entre 12 y 18 aña, sin laga afo adultonan hoben cu tambe por beneficia di e programa.

E parlamentario a enfatisa cu SVT no ta un castigo, sino un programa di guia social cu ta den union cu sosten militar, trahadonan social y educadonan pa forma hoben cu mas confianza, responsabilidad y habilidadnan di bida. E meta ta pa yena un bashi importante den e sistema di sosten social na St. Maarten.

E exito di SVT na Aruba ta confirma cu un inversion den hubentud cu vision y structura por duna resultadonan positivo y sostenibel. Awor, e modelo Arubiano ta sirbi como inspiracion regional, mustrandocu iniciativa nacional por traspasa frontera y contribui na fortalecimento di hubentud den otro pais den Reino.

Recientemente tambe a tuma luga e Graduacion SVT na Aruba unda cu hobennan ta cosecha fruto di nan esfuerso.

Cu hopi orguyo e hobennan cu a termina e programa So-



cial Varmingstraject (SVT) na Aruba a tuma parti na un ceremonia di graduacion presidi pa Premier Mike Eman. Participantenan manera G'Dior Tromp, Bradley Werleman y Kendrick Yarzagaray a comparti cu nos nan experiencia: na comienso e tabata dificil, pero cu disciplina, guia y colaboracion, nan a logra sobrepasa retonan y cambia nan futuro.

Minister Mervin Wyatt-Ras tambe tabata presente na e graduacion di SVT. Minister di Asuntonan Social y Salubri-

dad, Mervin Wyatt-Ras, tabata presente na e ceremonia di graduacion di SVT (Vogatie- en Technische Dienst). Su presensia na e evento a refleha e compromiso continuo di e ministerio pa sostene desaroyo social y educativo den e comunidad. E Minister a pone enfasis riba e importancia di formacion tecnico pa futuro di hobennan y pa fortifica e bienestar social riba nos isla.

SVT ta combina entrenamiento militar (Fase 1) y curso di stage/trabao (Fase 2) pa hobennan entre 17-25 aña,

dunando nan e oportunidad pa studia, prepara pa trabao y construi confianza y responsabilidad. Mas cu 80% di graduadonan a logra sigui un trabao of entrenamiento, incluyendo hende muhe hoben. Siguiete trayectoria SVT 2026 ta cauminsa 9 di maart 2026. Hobennan interesa pa inscribi of por acudi na: Mariniers Kazerne Savaneta, Bureau Sociale Varming, of tuma contacto cu Jessica Ras.

Aki por mira y comproba cu e exito di Aruba ta sirbi como modelo pa St. Maarten, cual Parlamentario Sjamira Roseburg a bishita recientemente pa evalua con un programa similar lo por beneficia e hobennan na St. Maarten.

Parlamentario Sjamira Roseburg a comparti su profundo respet y admiracion pa e vision di Prome Minister Mike Eman, kende a tene e balentia y conviccion pa crea un programa cu ta toca bida y cambia destino.

"SVT no ta solamente un programa, e ta un regalo di speranza pa hopi hoben cu a pensa cu nan no tabata tin salida. E vision di liderasgo manera esun di Mike Eman ta mustra cu un pais por lanta su hubentud cu amor, disciplina y oportunidad. Aruba por sinti orguyo cu a sembra un modelo, cu awor ta florencia tambe na St. Maarten," Roseburg a expresa cu emocion.



Coleccion Digital di Aruba a sobrepasa 200.000 articulo


ORANJESTAD (AAN): Departamento di Coleccion Digital hunto cu Departamento Arubiana-Caribiana di Biblioteca Nacional Aruba ta anuncia logronan importante den coleccion digital

Biblioteca Nacional Aruba (BNA) ta orguyoso di anunciar un milestone significativo: recientemente a yega na e cantidad di mas cu 100.000 item digital den e coleccion digital di Biblioteca Nacional Aruba (coleccion.aw/bna).

Ademas, cu e logro aki, Coleccion Aruba a sobrepasa tambe e cantidad di 200.000 item, unda Biblioteca Nacional Aruba ta e contribuyente mas grandi, representando casi 55% di e total di e coleccion.

E otro contribuyente grandi na Coleccion.aw ta Archivo Nacional Aruba, cu recientemente a yega na un cantidad di 85.000 item digital, y cu recientemente a añadi miles di potret digitalisa for di entre otro nan coleccionnan di BUVO y di Sr. Rinus de Graaff (coleccion.aw/ana).

“Cada documento ta un testigo cu ta bisa: mi a existi, mi a conta un historia tocante Aruba. Den esey mes ta e forsa di documentacion: e ta duna bos eterno na pueblo y



ta sigura cu nos pasado semper tin un luga den presente y futuro.” -Zetsia Ponson, Hefe Departamento Arubiana-Caribiana.

“Hende sin conocimiento di nan historia, origen y cultura, ta manera mata sin raiz. Pa e motibo ey, documentacion ta crucial; e ta preserva storia, tradicion, y experiencianan cu ta forma e fundeshi di nos identidad cultural y memoria

colectivo”. -Graciela Nedd-Cheng, Bibliotecaria/Documentalista

“E inclusion di e coleccion grandi di documentacion aki lo duna un “boost” grandi pa e acceso na tur nos fuentesen digital.

E lo mehora e resultadonan di casi cada buskeda, y lo duna hopi mas contexto pa cada investigacion haci riba nos plataforma di Coleccion Aruba. Hunto cu nos partnernan BNA ta dedica pa conhuntamente duna acceso na nos patrimonio den forma digital, via www.coleccion.aw”. -Peter Scholing, hefe di Digitalisacion, Coleccionnan Digital y Investigacion, Biblioteca Nacional Aruba

“Digitalisando y comparti e compilacionnan aki ta conserva mas cu historia. Nos ta

reconoce e diferente bosnan cu ta forma e identidad di Aruba. Entre topiconan mas prominente di e ultimo decada na Aruba tin storianan tocante e comunidad LGBT y matrimonio di mesun sexo. Esaki ta un ehempel di temanan social cu ta refleha con nos isla a crece y cambia den transcurso di tempo”. -Ichmarah Kock - Coleccion Digital y Maneho di Informacion

E ultimo coleccion cu a wordo añadi ta e prome parti di e documentacion digitalisa di Departamento Arubiana-Caribiana (coleccion.aw/documentacion).

E coleccion aki lo contene mas cu 30.000 item, disponible pa investigacion riba mas di 900 topico di interes local. Entre e materialnan tin

articulo di corant y revista, krantenknipsels (newspaper clippings), cu ta cubri topiconan actual como historico, relevante pa e desaroyo social, cultural y historico di Aruba.

Pronto lo pone disponibel un lista di tema y topico di documentacion riba coleccion.aw, mescos cu un lista di titulo di corant y di revista, pa facilita e acceso y buskeda di informacion pa investigador, estudiante y publico interesa.

Biblioteca Nacional Aruba ta sigui comprometi cu e preservacion, digitalisacion y acceso di herencia documental di Aruba, pa sigura cu e conocimiento local ta keda disponible pa e generacionnan presente y futuro. Bishita: coleccion.aw

Señora Dalgis Montalvo di Stichting Hunto:

Prevencion ta keda cardinal y hopi necesario pa e problema di adiccion y pensamentonan di suicidio

ORANJESTAD (AAN): Señora Dalgis Montalvo di Stichting Hunto, den entrevista cu DIARIO a duna di conoce cu na aña 2025, Stichting Hunto a purba di amplia e parti preventivo riba e problematica creciente especialmente den nos hobennan pa lora ta trata adiccion y pensamentonan di suicidio. Prevencion, pa un isla chikito, ta hopi importante pa educa y conscientisa pero sigur tambe muestra tur e trabaonan cu e stichting ta haci, entre otro: charlanan na scolnan y organizacionnan y forum tocante di bullying.

El a remarca cu tambe a reforsa e ekipo di psicologo pa brinda ayudo miho na comunidad y mirando e necesidad cu tin eyfo, kier amplia e servicio aki mas ainda. No

solamente atende cu e problematica cu tin, sino pa traha mas riba e parti preventivo y no warda te ora un persona ya caba ta full den e problema y e situacion por bira mas dificil p’e, sino pa gara e problema for di tempran.

Señora Montalvo a agrega cu e lista di espera pa psicologia a baha te entre 6 pa 7 luna, considerando cu antes un persona mester a warda mas di un aña prome cu e wordo atendi pa un psicologo. Y ta purbando tambe pa baha e lista di espera mas ainda cu e maneho cu ta hibando. E periodo di intake ta tuma entre un pa dos siman maximo y tin ora menos.

El a remarca cu aunke nan ta purbando pa mehora, mester amplia e ekipo pa logra mas. Segun e, actualmente, e me-



sun trahadornan social ta yuda den casonan na cas, ta asisti na scolnan y duna informacion den diferente encuentronan. Esaki ta mesun cos pa psicologonan.

E mesunnan ta esnan cu ta sinta den oficina pa atende cliente, ta bay scolnan y ta duna trainingnan. Pa e motibo aki,

el a remarca, Stichting Hunto a haci peticion pa amplia subsidio pa asina nan amplia e ekipo pa brinda mas ayudo na nos comunidad, na un manera gratis.

“E problematica tey. Y hopi hende no por paga un psicologo facilmente. P’esey Stichting Hunto ta purbando pa am-

plia e servicio y e por ta gratis na unda cu un ciudadano por yega y haya e ayudo necesario y mesora. Ey ta unda nos kier bay paso bra e necesidad ta grandisimo”, el a remarca.

Segun el a enfatisa, e parti preventivo ta keda hopi necesario pa muestra e ciudadano con pa yega na ayudo, con pa regula emocionnan y con pa yuda nan mes. Tambe, con pa yuda e ciudadano cu ta cana cu pensamiento suicidal y purba calm’e.

“Aunke cu tin casonan cu manera e ciudadano tuma e decision pa caba cu su bida, no por haci mucho mas p’e. Pero e parti di prevencion ta keda uno cardinal y hopi necesario”, señora Montalvo a menciona.



RESULTADO DI SORTEONAN PA CORTESIA DI CADENA ALEXANDER

DIAMARS 24 FEBRUARI 2026

DIARIO	KORSOU	CATOCHI	ZODIAC																						
9649 3775 8623	5813 8718 8175	<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td>5355</td> <td>1771</td> </tr> <tr> <td>1119</td> <td>0096</td> </tr> <tr> <td>7873</td> <td>5550</td> </tr> <tr> <th colspan="2">MULTI- X</th> </tr> <tr> <td>X2</td> <td>FP</td> </tr> </table>	MERDIA	ANOCHI	5355	1771	1119	0096	7873	5550	MULTI- X		X2	FP	<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td>7044</td> <td></td> </tr> <tr> <th colspan="2">SAGITARIO</th> </tr> <tr> <td>8440</td> <td></td> </tr> <tr> <th colspan="2">GEMINIS</th> </tr> </table>	MERDIA	ANOCHI	7044		SAGITARIO		8440		GEMINIS	
MERDIA	ANOCHI																								
5355	1771																								
1119	0096																								
7873	5550																								
MULTI- X																									
X2	FP																								
MERDIA	ANOCHI																								
7044																									
SAGITARIO																									
8440																									
GEMINIS																									
																									
<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td>2921</td> <td>0543</td> </tr> </table>	MERDIA	ANOCHI	2921	0543	<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td>035</td> <td>549</td> </tr> <tr> <td>X2</td> <td>X2</td> </tr> </table>	MERDIA	ANOCHI	035	549	X2	X2	<table border="1" style="width: 100%; border-collapse: collapse;"> <tr> <th>MERDIA</th> <th>ANOCHI</th> </tr> <tr> <td>9044</td> <td>5857</td> </tr> <tr> <td>X2</td> <td>FP</td> </tr> </table>	MERDIA	ANOCHI	9044	5857	X2	FP	6221						
MERDIA	ANOCHI																								
2921	0543																								
MERDIA	ANOCHI																								
035	549																								
X2	X2																								
MERDIA	ANOCHI																								
9044	5857																								
X2	FP																								
	17-03-18-12-25																								

BUSCA PALABRA

B	C	E	B	E	B	A	P	U	H	C	C
O	O	A	B	B	B	B	N	S	A	S	A
R	N	C	N	O	A	A	O	U	B	S	R
H	C	U	I	B	W	T	S	L	F	I	N
N	O	B	B	M	E	A	A	S	U	K	I
O	M	Y	O	A	B	T	M	A	N	E	S
O	B	N	N	Y	O	A	A	P	C	S	T
C	E	A	C	P	T	I	A	A	H	H	O
A	R	O	H	B	E	U	O	N	I	I	B
R	S	A	I	T	M	I	I	B	S	Y	A
N	T	O	C	C	P	M	A	A	T	E	R
I	O	B	O	O	E	E	B	T	A	N	S
S	B	E	R	O	R	A	E	I	E	A	F
A	A	S	A	B	A	E	K	A	S	B	S

Bonchi Cora	Carni Stoba	Batata	Yambo
Concomber Stoba	Pan Bati	Chupa Bebe	Funcchi
Webo Tempera	Keshi Yena	Carnisa	Suls

> SUDOKU <


King Classic Sudoku

	8		6	2		7	3	
7	6	3	5		8	2		
	2		1		3		8	
2	5	6			1	3		
8						9		
	9	7			6			2
	1				5	8		4
				8	4	5	9	1
			9	1				

Difficulty: ★★ 7/25

Hendenan a tende arma automatico

ORANJESTAD (AAN): Ciudadanonan di Paradera a denuncia cu den oranan di marduga nan ta tende auto ta pasa riba caya, y hende ta uza un arma automatico pa tira den halto. Nan ta suplica Polis pa patruya mas hopi eybanda.



Hari Un Tiki

Pedro tabata pasando y el a topa cu su amigo Pablo.

—“Pablo, di con bo tin e cabez mara?”

Pablo a contesta:

—“Pasobra mi tin un bolobonchi grandi eynan”.

—“Y ta di con?”

—“Pa caweta y estúpido.

A resulta cu mi tabata bayendo na un edificio na unda tabata tin un borchí, pero e letternan tabata skirbi hopi chiquito. Mi a bay mas cerca pa lesa kico ta skirbi”.

—“Y kico tin poni skirbi riba e borchí?”

Pablo a bisa e ora:

—“Cu e porta ta habri di golpi”.

Solucion Anterior

3	1	8	2	9	6	7	5	4
6	4	9	7	5	8	1	2	3
5	2	7	1	4	3	8	6	9
2	7	5	8	1	9	3	4	6
9	6	4	5	3	7	2	8	1
1	8	3	6	2	4	9	7	5
8	9	6	3	7	5	4	1	2
4	5	1	9	8	2	6	3	7
7	3	2	4	6	1	5	9	8

Difficulty: ★ 7/24

Mini Mega

Diamars 24 Februari 2026
Sorteo# 1847

27
10
14
28

04

1^{er} Premio: Tin 0 ganador Jackpot

2^{do} Premio: Tin 2 ganador Match 4

3^{er} Premio: Tin 2 ganador Afl. 500,00

4^{to} Premio: Tin 52 ganador di Afl. 50,00

5^{er} Premio: Tin 67 ganador di Afl. 15,00

Jackpot pa e proximo Sorteo di Mini Mega 27 Feb 2026
Afl. 270.000,- MEGA PLUS Afl. 370.000,-

EMERGENCIA NA ARUBA

Diaranson 25 Februari 2026

DOCTER NA WARDA SAN NICOLAS: Pa San Nicolas, Docter lo ta na H.A.P. ImSan. Docter tey for di 6'or di anochi te 10'or di anochi. ORANJESTAD: Pa Oranjestad, Docter lo ta na Huisartsenpost H.A.P. na Hospital. Docter tey di 6:30 pm te cu 10:30 pm.	BOTICA NA WARDA PARIBA DI BRUG: Botica 4 Centro Medico Bernhardstraat 55 Telefon 584-5794 Telefon: 584-5798 PABAO DI BRUG: Botica Eagle Caya Punta Brabo 17 Telefon 587-9011
--	---

Loke Tempo ta Mustra....

•• Aumento leve di humedad awe mainta por pusha awacero breve riba Aruba, pero sobra di dia lo ta seco cu stof di Sahara.

•• Biento di Pariba basta fuerte entre 20 y 39 km/h, cu rafaga te 61 km/h. Lama modera cu ola entre 4 pa 6 pia.





Bahada y salida di solo na Aruba

—25 Februari 2026
Solo ta baha: 6:48 p.m.

—26 Februari 2026
Solo ta sali: 6:57 a.m.
Solo ta baha: 6:49 p.m.



Lista di Crusero di bishita na Aruba

—Diaranson 25 Feb. 2026:
Rotterdam:
(08:00 - 17:00)
Celebrity Silhouette:
(11:30 - 23:00)
Carnival Vista:
(13:00 - 23:00)

—Diahuebs 26 Feb. 2026:
Costa Pacifica:
(07:00 - 22:00)
Serenade of the Seas:
(08:00 - 18:00)
AIDA Sol:
(08:00 - 18:00)



Tel: 583-1190
Anonimo y Confidencial

Eduard Pieters (PPA):

A yega ora pa reunionnan di Tripartiet mester tin resultado concreto



ORANJESTAD (AAN): Durante e clausura di e prome reunion Tripartiet cu parlamentario Eduard Pieters di e fraccion di PPA ta experencia a para firme riba un punto esencial: cooperacion den Reino Hulandes no por keda na dialogo diplomatico sin meta concreto. E reunionnan tripartiet ta costa placa, tempo y recurso. Pueblo di Aruba merece resultado midibel, no solamente agenda largo cu punto sin accion.

Geschillenregeling: Ainda den proceso, sin claridad! Un di e topiconan central tabata e famoso geschillenregeling. Eduard Pieters a cuminsa na indica cu: “Segun loke a comparti cu nos, ta cu actualmente e concepto ta na Raad van Staten. Aworaki nos ta warda conseho pa sa kico ta e siguiente pasonan. Pero e pregunta politico cu PPA a haci ta legitimo: Con leu e proceso aki lo sigui den espera?”

Un regeling di disputa na un luho huridico; ta un instrumento fundamental pa protega posicion di e paisnan autonomo den Reino. Sin clarificacion rapido, nos ta laga un asunto constitucional crucial keda den limbo. Sin e instrumento aki nos lo keda cu poder unilateral di Hulanda riba e islanan sin por bay den disputa, manera aplicacion di articulo 36 di Statuto di Reino Hulandes.

Food Security: aplaudi, pero cu vigilancia! Gobierno di Aruba a presenta un bon exposicion riba Food Security y con nos por colabora cu otro isla. “Fraccion di PPA ta aplaudi e iniciativa. Aruba mester reduci dependencia externo y fortalece produc-

cion local. Pero e reflexion critico ta necesario. Si Aruba actualmente ta produci aprox. 15% di su consumo di webo y e meta ta aprox. 93%, esaki ta implica dramaticamente mas produccion. Mas produccion ta nifica mas galiña. Mas galiña ta nifica mas afval. Mas afval ta nifica potencialmente mas contaminacion di suela y awa subteraneo. Desaroyo sin regulacion no ta progreso, sino un riesgo den futuro,” Eduard a enfatisa.

PPA ta insisti cu cada inversion den produccion alimenticio mester bay hunto cu: monitoreo ambiental serio, uzo corecto di tecnologia, midimento constante di contaminacion y plan di mitigacion. No por ta asina, cu solucion pa dependencia alimentario, mester bira problema ambiental despues.

Costo di biahe y conexion den Reino! Pieters a comparti un punto: “Un di e topiconan cu a bin dilanti y cu tin basta tempo ta papiando di dje, ta e prijs di pasashi pa biaha entre e islanan den Reino, cu ta hopi caro. E discusion a bay riba con por baha e costo y haci movilidad mas accesibel. Triple AAA a propone un terminal separa pa Reino Hulandes, cu por reduci tempo di espera na aeropuerto for di 3 ora pa por ehempel 45 minuut. Esey ta djis pa menciona un ehempel. E concepto ta interesante, pero mester evalua esaki hopi bon y cu cifra concreto tocante: Cuanto e inversion aki ta? Kico ta e impacto real riba prijs di ticket? Con e lo beneficia ciudadano comun?”

Vergrijzing: un crisis comun cu mester accion comun: “Vergrijzing ta un topico co-



mun den Reino: Aruba: 20% di poblacion ta 65+ y Curaçao: 25%

Esaki no ta estadistica inventa, pero un presion real riba cuidio, pension y finansa publico. PPA ta boga pa un sistema coordina entre e paisnan, pa mitiga e efecto devastador cu esaki por tin riba adulto mayor”.

Pero cooperacion mester trahaci den plan concreto, no solamente comparacion di cifra.

Structura di Tripartiet: unda e meta ta: Un punto fundamental cu PPA a trece dilanti ta falta di meta specifico den e topiconan cu ta wordo trata. Actualmente tin agenda, pero no tin claridad riba: (*) Kico exactamente nos kier logra? (*) Con nos ta midi progreso? (*) Con nos ta evalua despues di cada reunion si a logra e meta? (*) Ki palabracion nos ta haci ora cu nos no logra e meta?

P’esey PPA ta sostene pa implementa un estructura mas fuerte: (*) Topico general cu meta strategico comun entre e islanan. (*) Subtopico specifico cu ta wordo stipula durante preparacion di cada Tripartiet

Meta concreto y midibel. (*) Punto di accion. (*) Evaluacion posterior.

Sin esaki, e reunionnan ta core riesgo di bira ritual diplomatico sin impacto real na bienestar di nos tur nos ciudadanonan riba e islanan du Curaçao, St. Maarten y Aruba. Ademias di haci Reino Hulandes mas fuerte. Un comision

ta bin bek riba structura den un encuentro online na april y pa luna di juni mester tin un modelo mas coordina, funcional, efectivo y eficiente.

Columna E Sembrado

Diaranson 25 februari. Di Prome Siman den tempo di Cuaresma aña 2026 Ciclo A

Calendario Liturgico

Lectura: Jonas 3,1-10;

Salmo: 51;

Evangelio: Lucas 11, 29-32;

Labami limpi di mi culpa y purifica mi di e malo cu m’a haci. Salmo 51,2

Rumannan, nos ta den e temporada di Cuaresma. Un temporada pa arepentí y cuminsa di nobo. Pa medio di e Salmo aki, nos ta yama pa arepentí di nos picanan. No un arepentimento di boca pafo. Un saminacion profundo di consenshi cu duele berdadero di loke nos a haci robes contra Dios y nos prohimo. Pidi Señor pa den Su inmenso bondad pa tene misericordia cu nos. Cay na rudia, baha cabes y cu sinceridad di nos ser, pidi pordon. Ban mescos cu Hesus den e desierto di nos ser. Ban sondia y combersa cu Tata pa saca afo tur loke por stroba nos di tin un bon relacion cu Señor. Ora nos caba di pidi pordon, laga nos pidi Dios pa purifica nos di tur malo cu nos a haci. Pidi Tata pa crea den nos un curason limpi.

Oracion: Tata Santo, nos ta pidi Bo pa den e temporada nos dilanti aki, pa Bo por scucha e bos di nos consenshi y e bos di nos curason. Yuda nos pa kita tur ripara y por habri nos mes bo dilanti den arepentimento. Duna nos di bo misericordia y pordon. Nos ta pidi Bo den nomber di Hesus. Amen.

Grupo Centro Pastoral Aruba



Sabiduria den nos alegria!

Skirbi pa Ruthy "Lady Ruth" Vrieswijk-Bergen

Lieve mensen: Bon dia yen di alegria! Un otro siman bunita y interesante a pasa core nos voorbij cu tur su ups and downs, cu tur su lesnan y experiencianan pa cada un di nos. Mientrastanto keto bay wardando riba e carta di Klachten



Commissie di Hospital HOH, podise nan computer no ta traha bon cu no por traha e carta? Of nan tur ta wayaba ainda di Carnaval? Nos ta wardando desde 15 di Januari pa un carta cu podise a perde den post? Profesional of no, esaki no ta manera di haci, foei! Un luna ya a pasa. Un ta nos a pidi un carta, ta nan a bisa cu nan lo manda un carta pa nos. Tabata palabranan di Angelique Koolman, nan secretaria. E mester a gaña pa nan tur? Uffff! Varios persona a bisami, mihor a bay cu mi caso Medisch

Tucht College, pero naaaaaah, nos a duna nan dos docternan, un zaalarts y un specialista un second

chance pa demostra cu nan por yuda hende mihor y cu nan a siña nan les pa no negligisha nos grandinan nunca mas! Uffff!

Danki pa e bon comentaronan ricibi pa cu nos relato di siman pasa y pa e poema encuan to Carnaval cu a pasa. Nos a haya tambe varios reaccion riba nos stukje di Cada Caya un Stichting. Algun a hay'e un bon stuk cu sentido y algun a bisa pa nos calma nos beis, haya esaki pret. Uffff! Nos ta desea tur colega Poeta cu si ta bay recita nan bunita poemanan den Carnival Village den e luna di Maart nos dilanti, tur clase di exito. Ata un bunita potret



di Lady Ruth cu Lord Lally saca dilanti Djiespies pa nos amigo fotografo Wim Steenhuis.

Mi lo no laga lectornan na caya y laga publica mi poema cu mi lo a participa cu ne den Poeta di Patria e aña aki, pasobra cu nos no a bay nunca pa competi, pero cu e suerte sorpresa toch di a sali number tres algun aña pasa na Scol di Arte den curason di San Nicolas. Awor nan kier dirigi e Poeta tambe con e mester skirbi su poema. Nos a siña na un convention di Poetanan di hopi parti di mundo, na Orlando (Florida), cu un poema liber por ta rima of no, no mester cuadra cu e mesun cantidad di zin, versionan y of coupletanan pa tur.

No ta tur curason ta inspira mescos. Ach, ta bon pa tin

un guideline pa guia si pa e poema no ta largo di mas bira un poema prosa.


Enfin, awe nos ta desea di comparti dos lugar aki na Aruba cu ta dushi pa bay bebe koffie y come un hapje. Pakico? Pasobra na un di nan, Twists of Flavors patras banda di e mall di Alhambra nos a mira hopi yuwana y bunita paharitonan ta bula rond y na e otro nos a bin topa cu e simpatico doño cu ta e profesional Dr. Tim Peterson cu tambe ta cu pensioen, segun nos por a comprende y awor ta guia y supervisa su bunita restaurant Café La Palapa y Airbnb den vecindario di HOH. Su bunita famia ta traha den e restaurant aki y ta duna un excelente servicio di super dushi co'i come y



bebe. Nos a comprende ainda nan ta den nan soft opening y ta evaluando nan menu cu tin dushi platonan ariba dje. Nos a corda tempo cu e excelente ciruhano aki Dr. Tim Peterson a trata Lady Ruth un biaha cu el a wordo opgenomen den HOH varios aña pasa. Danki Dios no mester a wordo opera. E bon tratamiento a yuda super bon y nos ta sigui cuida nos salud tur dia. E lugar ta hopi bunita, elegante y cu dushi ambiente di e decoracionnan cu tin eyden. Ah si! Verna y Lady Ruth a bay come un dushi breakfast tambe den "Drunk's Denial" dilanti

e plaza Niki Habibe dilanti Djiespies recientemente y a keda contento tambe cu nan bon servicio, aunke nan repertorio riba menu no ta asina extenso, pero no tin nada di keha, e croissant cu cappuccino a baha dushi. Pero no mes dushi cu e plato di french toast cu strawberries y blueberries di La Palapa. Nos ta complace pensionadonan cu ta buscando mas dushi lugarnan pa bay bebe koffie y come algo, mencionando algun lugarnan mas cu a bin acerca. Hopi di nos pensionadonan ta gusta bay Kibrahacha tambe haci ejercicio pa tene e curpa den bon condicion.

Danki lieve mensen pa lesa nos relato cu curason y atencion. Ban poco poco riba nos camindanan, tin hopi auto y no ta tur chauffeur ta core responsabel. Pasa un bon dia yen di sabiduria den nos alegria! Un 'bearhug' di Ruthy "Lady Ruth".



Atake di ransomware riba server di scolnan na Bonaire

KRALENDIJK: Si man pasa a sali na cla cu e organizacion di Scholengemeenschap Bonaire (SGB) a bira victima di un atake cibernetico, y esaki ta un atake di 'ransomware' cu a scramble tur informacion riba un di e data-server di nan tin.

Probablemente un hende a habri un email, y despues habri un attachment sin ripara cu e ta uno maligno.


E data-server cu a wordo afecta ta wordo uza solamente pa archivo. Un parti relativamente chikito di a data aki a wordo horta.

Na Bonaire ta investigando ta kico exactamente nan a horta/scramble riba e server. Pesey e Cyberteam di Polis di Bonaire y Europol ta envolvi den e investigacion. SGB a haci denuncia na Polis, y tambe a raporta na Comision cu ta defende datonan di persona di Islanan BES.

E bon noticia ta cu actividadnan regular di enseñanza y administracion di scolnan no a wordo afecta. Esey ta debi cu SGB ta funciona cu esey riba un network di cloud cu ta mas safe. Pues sistemanan manera Magister, AFAS, Zermelo, Eduarte, y Microsoft Office no a wordo afecta pa e scolnan na Bonaire. No a horta password di ningun docente ni alumno tampoco

DEPORTE INTERNACIONAL

Braves y Sale a firma prolongacion di contrato di 1 año na balor di 27 milyon dollar



club di 30 milyon dollar pa 2028. Sale su carrera a manera rehuvence desde cu Boston Red Sox a cambie cu Braves prome cu temporada di 2024.

ATLANTA: Chris Sale no ta bay subi e mercado di agencia liber mas na final di 2026.

E pitcher surdo y Atlanta Braves a bay di acuerdo pa firma un prolongacion di contrato di 1 año na balor di 27 milyon dollar Diamars. E acuerdo ta inclui un opcion di

radanan Sale tin un ERA di 2.46 y 390 ponche den 303 inning y 1 tercio.

Na 2024 el a gana e premio Cy Young di Liga Nacional y dos biaha el a wordo escogi pa forma parti di e All-Star Game pa Braves.

Top prospecto di Ranges Sebastian Walcott ta bay perde 5 pa 6 luna



Walcott, a haci un operacion na su elleboog Dialuna y esaki ta pone cu e ta bay perde basta tempo.

Expertonan ta calcula cu su rehabilitacion por dura entre 5 cu 6 luna y esey ta nifica cu tin chens cu e por ta bek riba veld prome cu final di temporada.

E club a bisa cu e hungador di 19

sidera un procedura menos severo cu un reconstruccion completo di e elleboog.

Walcott ta e number 7 prospecto di baseball, segun MLB Pipeline.

Pa Double-A Frisco año pasa el a caba cu un average di bateo di .255, cu 13 homerun, 59 careda impulsa y 32 base roba.

Spurs a gana Pistons pa logra di 9 triunfo consecutivo



DETROIT: Dialuna anochi Detroit Pistons tabata faborito pa gana e wega contra San Antonio Spurs, pero San Antonio di comienso te final tabata tin un ventaha y na final a gana e wega 114-103.

Victor Wembanyama un biaha mas tabata tin un tremendo wega pa Spurs, logrando 21 punto, 17 rebounds y 6 blocks.

Devin Vassel cu 28 punto tabata maximo anotador pa San Anto-

nio cu awor a gana pa di 9 biaha consecutivo y ta na di dos lugar di Western Conference tras di Oklahoma City Thunder.

Strea di Detroit Cade Cunningham tabata tin problema pa anota y a faya 21 di su 26 tironan.

Asina mes el a caba cu 16 punto y 10 asistencia.

Maximo anotador pa Pistons tabata Jalen Duran cu 25 punto y 14 rebounds.

Atletico Madrid a gana Club Brugge y ta pasa pa proximo rond di Champions League



MADRID: Despues cu den e prome wega Atletico Madrid a keda empata 3-3 cu Club Brugge, Diamars hungando na cas e club Spaño a logra nun victoria di 4-1. Esaki ta nifica cu Madrid ta pasa pa e proximo rond di Champions League.


E prome gol di Atletico a wordo anota pa Alexander Sorloth den di

23 minuut y den di 36 minuut Joel Ordoñez a anota e 1-1 pa Brugge. Sinembargo, den di 46 minuut Johnny Cardoso a anota e 2-1. Sorloth a anota un biaha mas den di 76 minuut pa pone e score na 3-1 y pa segura e triunfo Sarloth a anota e di 4 gol pa Madrid den di 87 minuut.



Noticianan for di Hulanda

Hulandesnan deteni na Madrid den accion di droga: 1 miyon euro confisca



MADRID: Polis Spaño den un operacion grandi na Madrid a desmantela un gang Colombiano di droga, cu tabata opera na gran escala den Europa bendiendo y traficando cocaina.

Esaki polis a meld Diamars den un declaracion publico.

Den e accion aki 12 sospechoso a wordo deteni, incluyendo algun Hulandes y nan hefe Colombiano. Polis riba Diabierna 13 di Februari

a drenta den accion despues cu un muher Colombiano, conoci como 'Paula', a sali for di su cas na Madrid.


E muher, kende tabata ta na cabes di e gang di droga, a drenta den un Mercedes preto y tabata cerca di scapa bay.

Ora cu polis a pare y a listra den su auto, nan a haya tas y saconan comun di supermercado, pero den nan tabata tin un cantidad grandi di placa.

En total e agentenan policial a tuma den beslag mas cu 1 miyon di euro na placa cash.

Esaki tabata e comienso pa loke ta desmantelacion di un organizacion cu pa añanan largo a keda opera sin wordo para pa autoridadnan.

Ex hungador hungador profesional di basketball Hulandes Gerard P. (41) a haya castigo di prison di 20 aña na Merca pa traficacion di fentanyl



HULANDA: E Hulandes di 41 aña Gerard Nigel P., un tempo hungador profesional di basketball pa Landstede Hammers (Zwolle) y Aris (Leeuwarden), na Merca a wordo condena na un castigo di prison di 20 aña pa traficacion na gran escala di fentanyl y labamento di placa.

Dialuna el a ricibi e castigo.

Aña pasa October P. a admiti posesion di e droga y e intencion pa bende e droga peligroso aki den

estado di Montana.

Despues cu e Hulandes sinta su castigo, ainda e lo tin un tempo di prueba di 5 aña.

Segun e investigacion Mericano P. entre Februari di 2023 y Maart di 2025 tabata na cabes di un organizacion criminal cu a manda mas cu 300.000 pildora di fentanyl pa Montana, for di Phoenix, Arizona. Fentanyl ta mas potente cu heroína, unda cu e efectonan por ta casi 50 biaha mas fuerte.

Gabinete Hulandes nobo no ta tene suficiente cuenta cu personanan vulnerable den comunidad



HULANDA: E gabinete Hulandes nobo no tin mucho atencion pa personanan vulnerable den comunidad.

E asina yama Sociaal en Cultureel Planbureau (SCP) ta adverti pa esaki.

Ta wordo verwacht cu hende por haci hopi cos nan mes, pero no tur hende ta capas pa haci esaki.

E plannan di e gabinete pa baha gastonan grandemente den cuido y seguridad social y e intencion pa rapidamente aumenta e edad di

AOW, ta exige hopi for di e ciudadanonan Hulandes.

Den e plannan a tene mucho tiki cuenta cu hendenan cu no por adapta, SCP ta adverti.

E organo di conseho ta positivo riba e hecho cu e gabinete ta saca placa pa defensa, enseñansa y construccion di vivienda, pero pa paga pa esaki e gabinete nobo ta bay corta den cuido y seguridad social.

Door di esaki gruponan vulnerable ta bay sufri e consecuencianan.

Cahanan di orgel usa pa protesta dilanti di embahada di Rusia na Den Haag



DEN HAAG: Diamars e himno nacional di Ukraine a keda zona constantemente den Andries Bickerweg na Den Haag.

Net dilanti di e embahada di Rusia pa oranan largo 4 caha di orgel, sin stop tabata toca e melodia di Sjtsje ne vmjerla Oekrajiny i slava, i volia.

Artista Teun Castelein desde 2023 tur aña a cuminsa para dilanti di e embahada di e Federacion Ruso na Den Haag.

Un tempo e protesta a cuminsa cu 1 caha di orgel y awor cada aña a

bin 1 caha di orgel acerca.

E cahanan di orgel a wordo poni mas cerca posibel contra e heki di e edificio di embahada.

For di 8'or di mainta a cuminsa cu e protesta di orgel y e intencion tabata pa esaki sigui dura te anochi. "Nos ta sali for di e punto di bista cu esaki ta pone tur hende den e embahada bira loco".

Den añanan anterior varios di nan a drenta nan auto y a core bay for di e sitio y tur cos ta indica cu esey ta e caso e aña aki tambe, Castelein a bisa cu un sonrisa riba su cara.

Noticia Internacional

Aumento di casonan di chikungunya na Bolivia ta lanta alerta di salud

Bolivia a registra un ola di infeccion di virus di chikungunya, mayoria concentra den e departamento di Santa Cruz (oost), e region mas grandi y mas productivo di e pais. Segun informenan di servicionan di salud, e cantidad di infeccion den e prome dos lunanan di aña ya a surpasa e total di casonan registra na 2015 cu tabata 11.

Te cu diamars, 3.811 infeccion a wordo raporta, di cual 901 a wordo diagnostica den e ultimo siman. Mas cu mitar di e casonan, 2.094 (57%), ta concentra na Santa Cruz de la Sierra, e capital di e departamentu, y tin diagnosticonan confirma den 31 otro municipio den henter e pais.

E situacion aki a pone cu dia 9 di februari a sali un alerta cora di salud na Santa Cruz y intensificacion di medidanan di prevencion enfoca principalmente riba eliminacion di criadero di



sangura cu ta transmiti e virus y riba campananan di fumigacion.

Segun e ultimo rapport di Servicio di Salud di Departamento, actualmente tin 37 pashent interna den hospital, di cua ocho ta den condicion grave. Durante e temporada aki, cuater persona infecta cu e virus tambe a fayece.

E ola di contagio ta confrontando un interrupcion den sistema di salud publico. Segun informenan di prensa local, na januari tabatin solamente servicio pa cinco dia pasobra e resto di luna tabata marca pa paro di trabou, welga y tres dia liber publico. Mientrastanto, februari tambe a mira

un paro di trabou como protesta contra salarionan no paga y e dianan di fiesta di Carnaval.

Den e contexto aki, autoridanan di salud ta teme cu e aumento di casonan lo aplasta e sistema di cuido y ta cuestiona e medidanan cu ta wordo tuma pa contene e malesa.

E presidente di Asociacion Medico di Santa Cruz, Humberto Vargas, a expresa su preocupacion pa e aumento di casonan y a informa cu algun hospital no tin espacio mas pa pashentnan nobo.

Chikungunya ta un infeccion viral transmiti pa e sangura Aedes aegypti y Aedes albopictus, conoci como e sangura di dengue y tiger di Asia, respectivamente.

E ciclo di transmision ta cuminsa ora un sangura pica un persona infecta y, despues di incuba e virus, ta transmiti esaki pa otro nan. Centronan di Control y Prevencion di Malesa di Merca (CDC) ta enfatisa cu e riesgo ta specialmente halto durante e prome siman di sintomanan den un persona infecta y cu e virus no ta wordo transmiti di hende pa hende a traves di contacto, nister of tosamento, aunke e por sosode a traves di transfusion of maneho di sanger infecta.

E sintomanan principal di chikungunya ta aparece entre tres y siete dia despues di pica di sangura infecta y ta inclui keintura y dolor di curpa. Otro señalnan ta dolor di cabes, dolor di musculo, hinchamento di joints y rash di cuero.

Debi cu no tin cura disponible, autoridanan di salud ta enfatisa e importancia di prevencion pa medio di uzo di repelente di insecto, paña manga largo, y keda paden of cubri bentananan cu screen, y mas importante elimina lugarnan di criadero di sangura.

Awasero record na Brazil a laga por lo menos 23 morto



Yobidanan torencial cu a azota zuidoost di Brasil entre dialuna y diamars a laga por lo menos 23 morto y decenas desapareci na Juiz de Fora y Ubá, den e estado di Minas Gerais, segun autoridadnan local y agencianan di emergencia. E fenomeno, cu a surpasa e recordnan historico di awasero di luna di februari, a obliga e evacuacion di mas cu 400 persona y a causa declaracion di estado di emergencia, cu barionan isola y areanan urbano grandi inunda.

Na Juiz de Fora, un ciudad di 540.000 habitante, alcalde Margarida Salomão a declara estado di emergencia despues cu 16 persona a fayece y casnan a cay den otro.

Cuerpo di Bombero y Defensa Civil di Minas Gerais ta sigui cu e buskeda di personanan perdi, specialmente den barionan cerca di Riu Paraibuna, cu a desborda. Ekiponan di rescate ta trahando meymey di escombronan y areanan inunda.

NOTICIA FOR DI COLOMBIA

BANCOLOMBIA SU COMPUTERNAN A BAY DOWN

BOGOTA: Un Software Update no a bay bon, y pesey un fayto enorme a afecta tur website y tambe funcionamiento di app di e compania Bancolombia e siman aki, te cu e banco gigantesco a dicidi na haci un 'hard reset' riba tur nan sistema. Pues nan a djis paga tur computers y cende nan bek, pa trata di resolve e problemanan y estabiliza operacion. Tur canal digital y fisico a

wordo paga pa purba na estabiliza e funcionamiento. Tur esaki a cuminsa despues di un mantenimiento programa di Diasabra cu no a bay bon, y cu na final a sigui pone tur cos keda 'down' pa tempo prolonga. E fayonan cu a molestia tur cliente, tabata andando pa 24 ora largo durante fin di siman. Pesey riba Dialuna anochi pa 7:20 pm, nan a dicidi na paga tur nan sistema di computer, pa start tur cos bek sistematicamente. Pues durante tur e tempo ey, ningun transaccion por socede cu ningun App, ningun carhi, y ningun website di nan. Como cu miyones di Colombiano ta haci uzo di e banco aki, por bisa cu ta casi henter Colombia a sufri di e blackout bancario.

GRAN ESTAFADOR ALEMAN DETENI NA ARMENIA

ARMENIA: Den un accion coordina door di autoridanan di Colombia y di Europa, a logra di captura na ciudad di Armenia na departamento Quindío, e homber aleman Jurgen Lubke, kende ta conoci como 'El Rey'. E homber ta responsabel pa ta lider di un estafa internacional, y tabata wordo busca pa e bay sinta tres sentencia na su pais di origen pa fraudenan economico.

Segun autoridadnan, Lubke a defrauda ciudadanonan di Alemania y di Spaña riba di 154.500 Euro. Su modus operandi tabata crea negoshinan falso di mudanza y servicio di transporte internacional. Via di e negoshinan aki y cu internet, e tabata ofrece vehiculonan nobo y servicio di traslado cu nunca tabata wordo haci, pero si el a cobra y keda cu tur pago di su victimanan. Data ta indica cu e homber a yega Colombia na 2022, y na 2023 el a inscribi un negoshi na Camara di Comercio di Armenia, cu supuestamente ta bay importa y vende vehiculo. Lubke tabata uza e operacion pa djis sigui cu su maniobranan di estafa y labamento di placa, y keda perhudica victimanan na Europa. Su detencion tabata resultado di un trabao coordina cu Polis Nacional di Colombia, Ministerio Publico, y agencianan hudicial di Francia y Alemania.

TIN HOPI OBSTACULO PA TRATA CANCER INFANTIL

BOGOTA: A bin sali na cla, cu aunke hopi cancer infantil por wordo cura, na Colombia tin retraso enorme pa diagnostica y suministra remedi cu ta reduci e chens di muchanan pa keda na bida. Esey ta loke Observatorio Interinstitucional de Cancer Infantil (OICI) a divulga, y nan cifra ta indica cu como 2.000 mucha ta wordo diagnostica cu cancer na Colombia, di cual como 784 ta muri. Solamente seis di cada 10 mucha ta sobrevivir, siendo cu medicina awendia por cura ocho of nueve di cada 10 cu tin cancer. Pero tin baricada enorme na Colombia, cu diagnosticonan cu ta yega mucho laat, y tambe no tin hopi continuidad di tratamiento.

Noticia Internacional

INTERNACIONAL

NOTICIA FOR DI VENEZUELA

GO-FAST HAYA SCONDI CU COCAINA NA GOLFO

MARACAIBO: Un total di 5 paki yena cu cocaina, cu a yega na peso di 4,6 kilo, y un speedboat tipo Go-Fast a wordo confisca door di autoridadnan Venezolano cu ta patruyando den cuadro di Operacion Relampago Catatumbo 2026. E droga a wordo haya ora cu nan tabata patruyando rond di Isla de Zapara, cu ta situa como 240 km zuidwest di Aruba. E isla aki ta riba e ruta pa barconan drenta y sali for di Golfo de Venezuela pa Lago de Maracaibo. A bin haya dos escondite mey-mey di e matanan di Mangel, y cu ta pertenece na e grupo criminal 'El Oso'. E speedboat y droga tabata scondi na forma strategico mey-mey di e matanan di Mangel, y tabata cla pa subi lama pa bay haci entrega na otro paisnan. Ningun hende a keda deteni, pasobra a djis bin haya e droga y e speedboat scondi.



BUS A BOLTER LAGANDO SEIS PASAHERO HERIDA

CORO: Seis pasahero a resulta herida despues cu un Bus den cual nan ta coriendo aden, a baha di caminda y bolter riba e highway di Morón pa Coro, na estado Falcon. E caso a socede Diadomingo mainta. E Bus tabata transporta un grupo di famia y amigo cu a sali for di comunidad Nueva Venezuela na Acarigua, rumbo pa Tucacas pa disfruta di un dia na beach. E Bus maneha pa un chauffeur di 32 aña, ta pertenece na e compania Transporte Constituyente. Polis a haya sa cu den e Bus tabatin 37 persona, di cual seis a resulta herida. Esnan herida ta Patricia Gutiérrez di 40 aña y Jesús Pérez di 27 aña, tur dos cu schouder drechi kibra. Tambe Brayan Gutiérrez di 19 aña kende a haya corta habri na su braza drechi. Tambe Maria Loyo di 20 aña cu trauma leve na su cabez, y e muchanan Alex Jimenez di 9 aña y Asley Riera di 8 aña, ambos cu trauma leve na cabez. Tur a wordo hiba pa Hospital na Tucacas. E otro 30 pasaheronan, incluyendo dos baby di 7 y 10 luna, a wordo hiba na un parkinglot di un Clinica pa chekeo superficial y despues coordina nan regreso pa Acarigua.



HOMBER A GULI 92 BOLITA DI COCAINA

SAN CRISTOBAL: Na un punto di control unda militarnan Venezolano ta controla tur hende y trafico cu ta yegando for di area di frontera na estado Tachira, nan a bin mira un homber ta actuando masha nervioso mes. Su forma di actua y comportacion a pone cu nan a pidi'e pa bay den oficina cu nan. Aki a eherce presion y el a basha abao cu e tin droga den curpa. Personal di Fuerza Armada Nacional Bolivariana (Fanb) a hibe na un Hospital na San Cristobal, unda via ruta normal el a saca un total di 92 bolita yena cu 500 gram di cocaina. E ta deteni awor pa investigacion.



Un operacion conhunto entre Ecuador y Merca a resulta den confiscacion di mas cu tres ton di cocaina riba laman



Un embarcacion intercepta den awanan internacional na costa sur di Ecuador tabata transportando mas di tres ton di cocaina ora cu el a wordo confisca den un operacion coordina entre Marina Ecuatoriano y Guardacosta di Merca. E cargamento, cu segun calculonan oficial lo tin un balor di mas o menos USD 78 milyon riba e mercado Norte Americano, a wordo confisca despues di un operacion di inteligencia maritimo cu a culmina den e captura di tres miembro di tripulacion Ecuatoriano. E interceptacion a sosode den Pacifico oriental, cerca di e frontera maritimo

entre Ecuador y Peru, un zona identifica pa autoridadnan regional como un area frecuente pa traficacion di droga pa Centro America y Merca. Segun Ministerio di Defensa, e embarcacion tabata nabega sin documentacion adecua y a wordo detecta despues di un intercambio di informacion entre unidadnan naval di ambos pais. E operacion a wordo realisa bao di acuerdonan di cooperacion bilateral cu ta permiti accionnan conhunto den awanan internacional. Den e caso aki, personal di Marina Ecuatoriano a participa den e localisacion y interceptacion, mientras cu Guarda-

costa di Merca a interveni den segura e carga y aplica protocolnan di cadena di custodia. Autoridadnan a informa cu e substancia confisca ta coresponde na mas of menos 3.12 ton di cocaina.

Despues di a tuma beslag riba e barco, e tres ocupantenan a wordo hiba na waf di Manta y a wordo poni den custodia di Polis Nacional y Ministerio Publico pa cuminsa cu e proceso penal. Dos di esnan aresta ta di Manabí y un di Salinas, provincianan cu den ultimo añanan a keda identifica como puntonan logistico clave pa traficacion maritimo di droga den exterior. Un di nan tin un antecedente anterior pa traficacion di droga, manera confirma pa e hefe di operacionnan na Manta, mayor Christian Sarmiento, kende a indica cu e investigacion lo busca pa determina e punto exacto di embarque y cualkier organisacion criminal asocia.

E regimen Venezolano a habri e porta pa acercamento cu Departamento di Husticia di Merca

Fiscal General di Venezuela Tarek William Saab a bisa dialuna cu por tin un acercamento cu e Oficina di Fiscal di Merca despues di e reanudacion di relacionnan bilateral y bishitanan recien di oficialnan di Merca na e pais.

“Mi ta imagina ku esei mester sosodé,” Saab a kontesta durante un entrevista den e programa ‘A Pulso’ na Venezolana de Televisión (VTV), ora a puntr’é tokante un posibel kontakto ku e Fiskal General di Merca, Pamela Bondi.

Saab a declara: “E por sosode, mi no ta pronosticando nada, pero dentro di e mesa di negociacion



mester tin cooperacion penal internacional, cooperacion economico, cooperacion diplomatico.”

E hefe di Ministerio Publico di e regimen Venezolano a indica cu “lo yega e momento” pa coordinacion internacional riba “cooperacion penal”. “Nos tin un directorado general pa cooperacion penal internacional cu tabatin resultadonan sumamente

positivo y exitoso cu tur e nacionnan cu Venezuela tin relacion,” el a declara. Sin embargo, pa añanan largo e dictadura Nicolas Maduro a ignora yamadan di organisacionnan internacional pa liber presonan politico den e pais. E Fiscal General a aclara cu, te awor, tur contacto cu Merca tabata “den e esfera di e Poder Ejecutivo.”

Pa chica Pos - Habri tuberia y wc.
Servicio lihe y confiabel.
Experiencia ta manda
CICLONE
Septic Tank Service
Tel: 564-0607 / 734-0607

TA FURA
ELMA UPHOLSTERY
Matras, box busca mainta y
haye atardi! Set di sala, tv
chair, sienta auto.
Tel: 565-5577
Macapruimstraat # 1L

CONSTRUCCION
REMODELACION
Nos ta traha y drecha tur sorto
di dak: shingle, eterniet, panchi,
zink. Pega bloki, tegels, plafond,
pleister, pone porta, lanta cura,
basha vloer, construccion di cas
y apto bon prijs. Free quotation.
Tel: 561-2137

PROMASTER
Pa laba tapijt, sofa,
tur matras.
99% desinfecta.
Tel: 582-0383 / 593-3538
Leslie Maduro

NOS TA CUMPRO
Oro y plata kibra,
holoshi antiguos y
moderno di bon marca.
SILVER LEAF
Havenstraat 32
Tel: 746-0535 / 592-1776

TA FURA
STOEL

CEL: 561-2941

WASMACHINE
Ta drecha wasmachine,
dryer, stoof, forno.
Ta drecha, service y instala
airco. Tel: 742-2518.
Ta drecha na cas mes.

JR PLOMERIA Y
CONSTRUCCION VBA
Nos ta haci tur trabao
di plomeria grandi y
chikito. Lavamanos,
wc, lavaplato y ducha.
jrplomeriaconstruccion@gmail.com • Sero Blanco 29-E
Tel: 563-4154 • 563-9130

TA CUMPRO
Holoshi antiguo
y moderno
di bon marca.
Tel: 744-9995

TA CHAPI
Corta mata.
Ta tira sushi afo. Nos
ta hardineria completo
na super bon prijs.
Tel: 569-8003

DIARIO
Pa noticia, cumpleaños,
comentario, redaccion:
noticia@diario.aw
Tel: 582-6747

Hendrik Tevreden (MEP):

'Islanan ruman mester traha hunto cu un plan cla pa logra progreso'

ORANJESTAD (AAN): E siman aki, Parlamento di Aruba tabata e cas di e reunion "Tripartiet", caminda Aruba, Curaçao y Sint Maarten a bini hunto pa papia riba e futuro di nos islanan. Durante e reunion aki, Hendrik Tevreden di Fraccion di MEP a presenta un idea nobo pa haci e cooperacion aki mas profesional y cu mihor resultado pa nos pueblo.

Un union cu meta cla Tevreden a splica cu pa e islanan por progresa den Reino, nan no por djis bini hunto pa combersa, sino nan mester di un plan di trabao structural. Su proposicion, cu a wordo aproba pa tur e delegacionnan, ta pa parti e trabao den topiconan principal cu ta



afecta bida di nos ciudadanonan tur dia.

"Nos kier pa e reunionnan aki sea mas efectivo. Pesey nos a propone pa traha riba puntonan fiho manera econo-

mia, finanzas, e parti social y con nos ta para hunto den Reino," Tevreden a duna di conoce.

Di con esaki ta importante pa bo? Door di traha den un

forma mas ordena, e islanan por yuda otro pa:

Fortifica nos economia: Busca formanan pa baha gasto y aumenta entrada pa e islanan.

Desaroyo social: Comparti kico ta funciona pa yuda e famianan cu mas tin mester.

Posicion mas fuerte den Reino: Ora Aruba, Curaçao y Sint Maarten papia den un solo bos y den un forma organiza, nan bos ta resona mas fuerte na Hulanda.

Hendrik Tevreden a termina bisando cu e meta final di e structura nobo aki ta pa e reunionnan aki traduci den resultadonan concreto cu pueblo por mira y sinti. "Hunto nos ta mas fuerte, y awor nos tin un plan pa demostra esey.

Fergino Brownbill -President Parlamento Corsou

IPKO 2026 a enfoca riba union y colaboracion pa impactonan mas grandi den paisnan den Reino

ORANJESTAD (AAN): "Pa Corsou, union y colaboracion semper ta e enfoca cu mester tin den paisnan den Reino", asina e Presidente di Parlamento di Corsou, Fergino Brownbill a enfatisa durante un entrevista despues cu e reunionnan di Ipko a termina diadomingo ultimo.

Segun el a expresa, Ipko 2026 a enfoca tambe riba e colaboracion na unda cu un di e puntonan importante di e lista di palabracion tabata pa fortifica e Ipko aki y pa su



impacto pa nos ciudadanonan por ta mas grandi.

Segun e presidente di Parlamento di Corsou, Reino tin prioridadnan comun, entre otro embehecimento, desaroyo geopolitico. Esakinan ta algun tema cu e paisnan den Reino tin den comun na unda por tin diferencianan pa cada pais. Segun e, ta temanan cu ta hala nos mas cerca di otro, y ta crea oportunidadnan pa colabora cu otro tanto entre e parti di Caribe como cu Hulanda.

Parlamentario Brownbill a enfatisa, no ta pasobra tin mesunnan limitacionnan, e solucionnan mester ta mescos. Si Hulanda, pa motibo di embehecimento kier subi edad di pension, no necesariamente demas pais mester

con cada pais ta atende cu e temanan en comun, y adapta e solucion segun e necesidad di cada pais. El a agrega cu na Corsou, hisa edad di pension den e caso aki, no lo ta e direccion cu nan kier bay.

"Esaki ta e meta di Ipko, pa wak con demas pais ta atende cu problemanan comun, y adapta maneho aki den e manera cu lo sirbi nos comunidadnan", el a expresa.

haci esaki. Pero si, cada pais mester siña di otro, y wak



FUNDACION VENERABLE
JOSE GREGORIO HERNANDEZ
TANKI LEENDERT 128



Ta invita

Nos devotonan contruibuidor y pueblo di Aruba en general pa asisti na un CAMINDA DI CRUZ Y SIGI PA UN SANTO SACRIFICIO DI MISA y asina nos por drenta nos cuaresma jen di fe.

ATENCION

DIA 25 di februari 2026
ORA 6. OR DI ANOCHI CAMINDA DI
CRUZ Y MISA 7. OR
LUGAR SITIO DI ORACION

Bo presencia ta altamente aprecia

SUPER CARD SUPER DEALS



**BEST CINEMA AT
THE BEST PRICES!**

**COMFORT
CLASS**

IMAX

VIP

**Monday
Thursday**

8.00_{AWG}

10.00_{AWG}

11.00_{AWG}

**Friday
Sunday**

9.00_{AWG}

11.00_{AWG}

12.00_{AWG}

Sign up today at any **The Movies location**
and **start enjoying great benefits!**

Ultimo diano pa inscribi

Dialuna ta cuminza workshop di Picassiette cu artista Enrita Werleman

ORANJESTAD (AAN):
Ateliers '89 Punto Di Beyas
Arte Aruba den cooperacion
cu taller di mosaico yama
Artemosa na Santa Cruz lo
bay tene un workshop nobo
y interesante di mosaico
cu e tecnica di Picassiette.
Esaki lo ta bao guia di Di-
rectora di Artemosa e artista
di mosaico señora Enrita
Werleman.

E workshop lo ta for di
Dialuna 2 Maart te cu Dia-
huebs 26 di Maart. Work-
shopnan ta Dialuna, Dia-
marts y Diahuebs di 6:30 pa
9:30 pm

Patrocina pa Cultuur
Fonds Caribe, cu sumo
placer Ateliers '89 ta trece
e workshop aki di mosaico
cu e tecnica di Picassiette
den cooperacion cu Arte-
mosa. E workshop lo inclui
tur material. Importante ta



cu e workshop aki mirando
tempo y material lo ta sola-
mente pa 10 persona so. Na
cual ta spera cu tur hende cu
kier participa lo inscribi nan
mes mas pronto posible pa
sigura nan participacion. Pa
sigura bo participacion bo
mester yama na cel; 565-
4613 o email na elvis@ate-
liers89.org. Unabes bo haci
esaki lo sigura bo participa-
cion asina cu bo haci e pago
di e costo di e workshop.
Manera esaki ta concretiza

lo informa atraves di email
tur otro requisito cu bo tin
mester pa asina e prome dia
di e workshop bo por cum-
insa traha directamente riba
bo obra di mosaico. E work-
shop aki lo termina den un
exposicion di tur e obranan
traha durante e workshop. E
presentacion lo ta den ex-
hibicion pa un luna den e
salanan mayor na Ateliers
'89.

Mosaic Picassiette ta e
arte di traha cu material re-

cycla cu ta mas tanto tayo,
copi y scoter. Un tecnica
cu a cuminsa na Francia
unda Raymond Isidore ta-
bata colecta material kibra y
a decora tur su cas y cura cu
pida pida tayo kibra y forma
asina un bunita obra di arte
cu ta yama La Maison Pica-
ssiette na Chartres, Francia.
Awendia tin diferente artista
rond di mundo cu ta crea
obranan di arte di Mosaic
Picassiette. Na 2025 Enrita
a presenta algun workshop
Internacional y local cu e
tecnica aki creando, ani-
malnan y flornan di Mosaic
Picassiette. Si bo kibra un
tayo, no bente afo, warde bo
traha un bunita obra di arte.

Enrita Werleman, un auto-
didacto Arubiano, a cumin-
sa traha arte di mosaic como
15 aña pasa. Creando su
mes arte di mosaic a cum-

insa educa tambe otronan
con pa traha cu materialnan
y hermentnan.

Den transcurso di tempo
Enrita a sigui desaroya su
tecnicanan cu diferente ma-
terial, manera mosaic, glas,
piedranan, marmer y ceram-
ica. Tambe el a tuma curso-
nan online y a gradua como
maestra di Arte di Mosaic.
Den un curso di dos aña
cu un Profesora di Chile el
a amplia su conocimiento
ariba tur terreno di arte di
mosaic, di mosaico Antiguo
te cu arte di mosaico con-
temporaneo. A siña traha
cu tur sorto di material, her-
ment, pego, andamento etc.
Ta durante e cursonan aki
cu el a crece tambe den e
arte di Mosaic Picassiette, a
tuma cursonan na Alemania
y Chili y a duna varios cur-
sonan aki na Aruba.

PACKAGE
SALE

**GET 2 FREE
INSTALLMENTS**
PLUS FREE DELIVERY
FOR CREDIT CUSTOMERS

Design your own room for one low price with our best package deals!



SAVE AWG980

GALLIDEN NOW AWG3299
7PC DINING SET WAS AWG4209.99



SAVE AWG401

ALESANDRA NOW AWG2399
SOFA WAS AWG2799.99



SAVE AWG1001

PADOVA NOW AWG1999
SOFA SLEEPER WAS AWG2999.99

Love it? Let's help you finance it with flexible financing options from 6 months and over.

VISIT US MONDAY TO SATURDAY: 9AM - 6PM AT:
AMC UNICON MEGASTORE
L.G. SMITH BLVD, 144 ORANJESTAD

Telephone:
521-1180
f i

Offers valid until February
28th, 2026 or while stocks last.
Special conditions apply.

Ashley
FURNITURE HOMESTORE

Minister Gerlien Croes:

'Kick-off Meeting' di introduccion di Maneho Nacional di Deporte y Consejo Nacional di Deporte pa Aruba

ORANJESTAD (AAN): Re-cientemente a tuma luga e kick-off meeting di e Maneho Nacional di Deporte (Nationale Sportbeleid Aruba) y pa prepara e Consejo Nacional di Deporte (Nationale Sportraad) di Aruba. Durante e reunion importante aki, representantenan di gobierno y diferente partner riba tereno deportivo a reuni pa tuma e prome paso conhunto den direccion di un base deportivo ampliamente sosteni y factibel pa Aruba.

Durante e reunion a dialoga riba e futuro maneho, cua ta e resultado mas importante y visibel den dies aña pa deporte na Aruba y con gobierno y partnernan por traha hunto pa logra e meta aki. E participantenan a comparti nan experticio incluyendo e federacion of instancia cu nan ta representa y compromete nan mes pa cu e trayectoria, ideanan y

sugerencianan pa fortalece e sector di deporte y crea mas oportunidad pa tur hende.

E reunion aki a marca e comienso di un colaboracion fuerte pa sigui traha na un sector di deporte fuerte y prepara pa futuro, unda deporte ta contribui na salud, desaroyo di talento, participacion, conexion y e formacion di cuidadanonan den nos comunidad. Den cuadro di economia, deporte por tin un influencia positivo tambe riba nos economia por medio di 'Sport Tourism'.

Durante e reunion conhunto cu tur stakeholder- y partnernan involvi a reuni pa cuminsa oficialmente cu e trayecto nacional aki. E apertura a wordo haci pa minister Gerlien Croes como Minister di Deporte. E reunion aki ta marca un paso importante den rumbo pa un Nationale Sportbeleid coerente y am-



pliamente sosteni pa Aruba.

Den detaye a trata e meta y alcance di e trayecto, e rol y responsabilidad di tur organizacionnan involvi. Tambe a presenta e planificacion di e proceso, incluyendo workshops y momentonan di consulta cu lo contribui

na realisacion tanto di e Nationale Sportbeleid como di e Nationale Sportraad. Ademas a papia riba e resultado cu ta ser spera di e trayecto, manera formulacion di un mision y vision, principianan central, prioridadnan strategico y accionnan concreto pa

futuro di deporte na Aruba.

Cu e kick-off meeting aki a marca inicio di un trayecto nacional significativo enfoca riba colaboracion, compromiso y responsabilidad, cu e meta pa construi un base di deporte fuerte y prepara pa futuro di Aruba.